

ル 5
3134
1



南

燧

燧

卯

十

燧

壬戌孟冬吳昌碩篆時年七十九



門 5
3134
卷 1

庚申八月開鑄
壬戌十月刊成

昭和十四年
六月二十一日
昭求

序

世稱明韓邦靖朝邑縣志文省而事不漏後之作者未能或先
按其體例實淵源於宋常棠澍水志夫以鄉鎮小志立志乘之
極軌而能用其法者自朝邑志後莫之能繼此劉知幾所以歎
史才之難也然鄉鎮志實較郡縣爲尤難分一縣之片壤爲偏
隅之別乘稍溢則濫過略則陋苟無史才以緯之鮮能免於二
者之譏要以闡幽舉墜足資觀感則志家之通義也南溥在烏
程縣東境介江浙間水陸交通人物殷阜史遷所謂縮轂之口
與海鹽之澉水同爲浙西繁鎮而學術遞禪軒冕重襲代有傳
人又文獻之所萃也咸豐間汪丈謝城輯鎮志四十卷搜討既
富審擇尤精不濫不陋足與澉志並傳春秋代運迄今又六十

南溥志

劉序

南漳志
年矣余於光緒季年在里稍輯遺聞冀整齊散佚續成一編顧以名作在前逡巡未果迨辛亥政變而官書吏牘半付劫灰卽職官一門已難稽考始悔前者之過於矜慎爲坐失事機也同里周夢坡廣文睠懷鄉社銳意編纂斟酌舊例增立門類釐爲六十卷不數年而告成余於全書雖未細加檢閱而赴事之勇撫衷實增慙焉比年各邑競起修志大都進銳退速鮮克有終時會遷流罔知所屆及今不爲更歷數十年後文獻無徵其摛輯有倍難者夢坡之汲汲從事殆有鑒於是歟夫今之鄉鎮猶古之州黨州黨之下尙有族有閭有比夢坡以吾潯所屬十二莊爲一鄉區變通汪志擴而廣之亦猶周禮遺意周制族師閭胥屬民讀法書其孝弟睦婣敬敏任恤者以達於州黨是故教

成於下俗尙茂美孔子曰吾觀於鄉而知王道之易易誠以天下者一鄉之積觀一鄉則天下可知以今日橫流之勢滔滔皆是識者常有人心世道之憂吾潯風氣素馴多硜硜自守之士蓋鄉先生之流澤長也今則漸趨浮競閭巷市井皆非昔日景象殆運會使然夢坡是編其義例精審未知視澈志何如而掇拾舊聞闡揚潛德俾里中人士展卷興慕潛動其先民桀黠之思是其有神風化爲功於桑梓者實非淺鮮余旣獲觀其成藉慰平生之願又冀吾潯習尙漸返於純樸也故樂爲序之壬戌季冬劉錦藻

序

南潯爲湖郡鄉區接壤蘇之震澤周圍不過十數方里而鎮居東南屢開撲地孳貨委闐爲吾浙鄉鎮最當明之季先後官閣部者若而人金紫貂蟬海內宗仰泊乎本朝功名稍稍替矣而窮經皓首閉戶著書者又若而人至咸同之際貿遷起家者亦實繁有徒豈地靈使然歟咸豐季年汪謝城世丈有南潯鎮志之輯丈故名宿先爲潯輯都四十巨冊乃彙括以成由博返約體例謹嚴識者推爲善本寒燠遞遷新陳代謝補苴掇拾責在後人會辛亥國變慶雲蟄居海角坐閱滄桑慮鄉邦文獻日就湮沒欲爲續志之輯然距汪志成時已甲子將周中經兵火網羅散佚尤屬不易且纂述亦難其選會章一山左丞書來介秀

水陶拙存參議任其事參議博聞彊記精於史學爲余所心折
乃躬爲延聘參議謂一鄉之故實惟鄉之人知之最悉若他邑
人爲之則隔閼而舛誤必多固卻之退而商諸蔣殿襄茂才殿
襄又遜謝堅請始允任蒐輯之役並要慶雲總其成先是劉澂
如學士與紀仲景明經有備志之撮錄則舉其大綱殿襄於篋
衍出南林屑一書甄采遺聞旁證說部雖卷數未經釐訂而淹
雅可觀旣任事又復博搜精掇凡三易寒暑而成端楷稿本若
千冊授慶雲慶雲不揣譎陋刪其繁蕪補其缺略將各稿類次
而排比之從史家斷代例以宣統三年爲止而體例則依汪志
惟汪志志鎮而慶雲兼志鄉蓋本南潯十二莊爲一鄉區視汪
志則稍廣矣稿垂成且刻且纂又閱四年而殺青操觚率爾其

疏略紕繆殆不能免惟冀鄉父老昆弟諒其一手足之爲烈起
而是正之豈惟慶雲私幸也哉里人周慶雲序於海上晨風廬

南潯志凡例

- 一汪志以鎮爲限故曰南潯鎮志然限以內不盡屬諸鎮限以外仍有南潯鄉之區域則限而未斷也此志以南潯鄉所屬十二莊爲限故曰南潯志
- 一此志旣不以鎮爲限卽不能爲汪志之續乃采輯鎮以外及汪志以後之掌故益以汪志所有者而成此志
- 一此志采輯自宋元朝以至宣統辛亥爲止其生存人之著述詩文概不攔入惟援引雜識其信而有徵者雖生存亦采從汪志例也
- 一汪志略漏者補之如宋元明之職官爲最要舛誤者正之分見各類小注汪志公署包涵學校義舉今事實增多乃依類分卷汪志無村莊而

以西莊村簾里附入鎮區今既加入鄉區則村莊應自為一門查范志古蹟園第分兩門汪志從府志例概入古蹟今園林有近人建築者似不可併入古蹟園第又不相聯貫故分古蹟宅第園林為三類汪志但有節烈其非節非烈而女箴婦德可以風世者亦不乏人今改為列女以廣之汪志文集集詩不分邑人與邑外人今邑外人與邑人各分兩卷汪志志餘載史案篇幅已多今又摭采不少故提出別為大事記並拐案粵匪槍匪連類及之又提出關於詩話者兩卷仍附志餘之末其變更有因非妄為增損也

一汪志分疆域

沿革附

公署河渠

水利附

衢巷橋梁古蹟寺廟祠墓

坊表人物寓賢方外職官選舉

薦舉歷仕封贈廕襲附

節烈災祥農桑

風俗物產碑刻著述集文集詩志餘凡二十五類附見者六編為四十卷此志增學校村莊宅第園林郵贈商勳義舉大事記改節烈為列女凡三十五類薦舉歷仕封贈廕襲各自為類附見者三編為六十卷

南潯志目錄

卷首

圖

卷一

疆域 沿革附

卷二

公署 會館公所附

卷三

學校

卷四

河渠 水利附

卷五

衢巷

卷六

村莊

卷七

橋梁

卷八

古蹟

卷九

宅第一

卷十

宅第二

卷十一

園林

卷十二

寺廟一

卷十三

寺廟二

卷十四

寺廟三

卷十五

寺廟四

卷十六

祠墓

卷十七

坊表

卷十八

人物一

卷十九

人物二

卷二十

人物三

卷二十一

人物四

卷二十二

寓賢

卷二十三

方外

卷二十四

列女一

卷二十五

列女二

卷二十六

職官

卷二十七

選舉 薦舉 歷仕 封贈 廕襲 卹贈 商勳

卷二十八

災祥一

卷二十九

災祥二

卷三十

農桑一

卷三十一

農桑二

卷三十二

物產

卷三十三

風俗

卷三十四

義舉一

卷三十五

義舉二

卷三十六

碑刻一

卷三十七

碑刻二

卷三十八

碑刻三

卷三十九

碑刻四

卷四十

著述一

卷四十一

著述二

卷四十二

大事記一 史案一

卷四十三

大事記二 史案二

卷四十四

大事記三 史案三 拐案

卷四十五

大事記四 粵匪 鎗匪附

卷四十六

集文一

卷四十七

集文二

卷四十八

集詩一

卷四十九

集詩二

卷五十

志餘一

卷五十一

志餘二

卷五十二

志餘三

卷五十三

志餘四

卷五十四

志餘五

卷五十五

志餘六

卷五十六

志餘七

卷五十七

志餘八

卷五十八

志餘九

卷五十九

志餘十


詩話

卷六十


志餘十一 詩話

此志發端附潯溪小學為纂修之所延人繕錄蔣殿襄文
 助主持其間徵求采訪十餘人而應者寥寥會殿襄因事
 來滬下榻敝廬蒐采不懈而李希民宗賢紀仲景福壽吳
 彥臣鈺朱桂題允中及余猶子子美延年或展卷撫採或
 赴地訪問各有投稿潘茗毓麟書則任測繪之役並延無
 錫顧蕪吾廣熙為總校無錫秦滌塵國璋為參校又輸資
 刊印者為張定甫寶善劉澂如錦藻劉翰怡承幹龐萊臣
 元濟邢穗軒盛張石銘鈞衡梅祇安履泰梅祉荷履中余
 亦薄有補助例得備書壬戌九月周慶雲識


南澤鎮鄉圖




一之




圖總





南得鎮星分星紀之次直斗二十一度五分緯度北極出
 地三十一度八分經度距京師中線偏東三度五十一
 分圖內每方縱橫各半里東至極樂寺邊分鄉撞西至
 順利橋南至南社兜堰北至稽五北漾
 邑人潘琳書茗毓南測繪






一圖分







分圖七



分圖六



分圖九



分圖八

一百六十八莊 賤四圩 審二圩 恐一圩 牒四圩 牒五圩 簡

一百六十九莊 答五圩

一百七十莊 要四圩 審三圩 審四圩 審五圩 詳一

詳三圩 以上為上莊 要三圩 詳五圩
骸一圩 骸二圩 以上為下莊 詳四圩 詳五圩
一百七十一莊 惶五圩 恒一圩 恒二圩 嘗一圩

東沿運河至曹村 震澤縣地 三里自曹村由半路亭至震澤鎮震澤

縣震澤司巡檢駐所九里自震澤鎮由雙楊花光亭梅堰至平

望鎮震澤縣平望司巡檢駐所四十一里凡五十三里

西沂運河至東遷村十二里自東遷由祐村三際橋舊館晟舍

昇山八里店至湖州府城六十里凡七十二里

南至丁家橋五里自丁家橋由穿珠灣半路塘址中塘橋息塘

廟至烏青鎮湖州府同知及桐鄉縣青鎮司巡檢駐所二十五

里凡三十里 汪志按此路達烏鎮西柵若由陶墩划船漾沈

北出太湖口十八里自太湖口至東洞庭山蘇州府太湖廳同

知駐所三十六里凡五十四里

東南至陶墩村 震澤縣地 三里自陶墩由董家新墳嚴墓市至新塍

鎮秀水縣新塍汎干總駐所五十里自新塍由九里匯至嘉興

府城二十七里凡八十里

東北由平望盛墩八斥白龍橋至吳江震澤二縣城一百里自

吳江由夾浦橋尹山橋至蘇州府城四十五里凡一百四十五

里 汪志按此係官塘若由梅堰桃花漾大龍蕩小路至吳江八

十八里自吳江由七里港菱草湖麴場港小路至蘇州三十

四里凡一百二十二里

西南至輯里村七里自輯里至馬要鎮本縣馬要汛千總駐所十一里自馬要由含山孟西橋至新市鎮德清縣新市司巡檢駐所五十四里自新市由韶村漾荷葉浦至塘棲鎮仁和縣塘棲司巡檢駐所五十四里自塘棲由武林頭拱辰橋至杭州府城五十四里凡一百八十里出南柵至雙林鎮歸安縣璉市司巡檢駐所三十六里西北至伍浦漚本縣大錢司巡檢及伍浦汛千總駐所三十六里

至京師二千八百里

汪志按驛站自京師至東光驛六百里入山東界又至紅花鋪驛九百七十一里入江南界又至姑蘇驛一千零八十四里并蘇州至南潯官塘一百四十五里得此數舊志作三千七百里謬

劉沂春烏程縣志南潯鎮南有潯溪其市各貨類聚甚繁

盛

汪志按據此則鎮北之潯溪河必非古潯溪明矣

潘爾夔潯溪文獻市廛雲屯櫛比周遭四訖自東柵至西柵三里而遙水則運河陸則荻塘也距運河而南至柵五里而遙自荻塘而北至柵二里而遙蓋鎮無界域以民居為道里也此據今日目之所睹聞諸父老云正德間居民尚鮮下塘多葦荻則後此盛衰正非可懸擬也

又南潯東至平望及吳江西至烏程縣治皆陸由荻塘水由運河若捷出太湖走吳江蘇州較近至于順風揚帆比運河更駛

又南潯北負具區南控烏戍東遷拱其右曹溪震澤峙其左姚田諸村鞏後之藩籬陶墩十三都壯前之聲援闔

鱗次烟火萬家茗水流碧舟航輻輳雖吳興之東都實江浙之雄鎮

顧祖禹方輿紀要南潯鎮在府東七十二里以潯水經過而名元至正十三年張士誠作城於此明初由湖州攻平江自南潯至吳江守將以城降洪武二年城廢十八年置官澤稅課局於此

張鴻窩南潯文獻志按南潯鎮向有宋元人所繪地圖其東塘負緯而來直抵通津西過垂虹仍登岸以行中間寥寥數家如晟舍驢村然其南一帶則儼然闐闐駢集貨物充盈時廬舍疏密迥異於今數十年前明義庵中尙存此圖惜已遺失祇得明季輿圖今國家休養生息戶口殷繁

縣亘已三里矣

范來庚南潯鎮志潯鎮之稱宋以前無聞自宋太宗以潯東之地割隸平江而鎮地始為州境東出之門戶乃成重地按祇園寺莊田記在南宋高宗時止稱潯溪汪志按談

亦止稱潯溪報國寺記在理宗初始稱南林嘉應廟牒在度宗時乃稱南潯鎮始有官守稅務中有云設鎮幾二十年攷咸淳六年為庚午逆推而上二十年庚戌乃理宗淳祐十年然則鎮之設當在是時矣汪志按設鎮當在淳祐十一年之後蓋幾二十年云者必未及二十年也

又嘉應廟牒文有乃卜地于市中設祠宇而並祭之之句疑市中二字有誤及觀董徵君重建通利橋記乃知宋時

之市獨盛于南後漸及于北故自東抵西沿塘河而家者尚少元末築城專爲自蘇至湖運糧之便非爲一鎮民社計故不暇包及市井所以圓通庵內有舊墳爲丁氏之墓尚在明時見丁氏譜中圓通庵地計元末當在城內而至明時尚可築墳則居民不多可知

汪曰楨南澤鎮志按文獻曰按民物考元魏時始置鎮官守之制當亦隨之細閱通考自隋而唐各有建設亦不能必其爲潯也吳越備史載孫儒楊行密與錢鏐接壤相持事緒頗悉而潯上不聞設一旅置一吏豈爾時未爲要害歟今攷談鑰吳興志曰統記云管鎮二十四八所已廢名不復存見存而可紀者凡十有六統記作于景德初元是

當時所管之數已損其三分之一矣熙豐間王存修九域志止存其六烏程有烏墩歸安有施渚安吉有梅溪長興有四安水口德清有新市餘悉罷廢後復廢水口置和平今爲鎮六竊攷鎮戍置將起于後魏唐高祖嘗爲金門鎮將是也後齊以來列爲四品唐制每五百人爲上鎮三百人爲中不及三百者爲下置將副掌捍禦又置倉曹兵曹參軍掌倉庫戎器之類自藩鎮勢強鎮將之權漸重以至五代爲弊益甚兵權分裂聚斂無藝故兵主于鎮將而財賦器甲則主于參軍鎮將又率用親隨煩苛刻剝無所不至民不聊生縣官雖掌民事束手委聽而已人至以長官爲戲置鎮繁多而每縣又有鎮者以此如安吉縣有安吉鎮

德清縣有德清鎮他郡縣亦然國朝平定諸國收藩鎮權縣之有兵者知縣帶都監或監押陞朝官帶都監京官以下帶監押財賦則參委丞貳諸鎮省罷畧盡所存者特曰監鎮主烟火兼征商至于離縣稍遠者則有巡檢寨云談志此條源委分明所以明宋之鎮官非復如唐以前之鎮官也乃後人誤會其意凡撰鎮志輒援元魏置鎮爲緣起不知元魏鎮將主兵其權重于州郡置于郡中者鎮將多郡守兼領卽唐之上中下三等所謂五百人三百人者亦兵數非民數是豈後代分防佐貳所可同年而語哉烏青鎮志曰按元魏時始置鎮以鎮之名昉于元魏非也古所謂鎮者以地當設險往來必爭之區爰命方嶽重將鎮之

烏青兩鎮不過市廛所聚而分轄于三府七邑較他市集爲衝要宋史職官志諸鎮置于管下人烟繁盛處設官管火禁或兼酒稅事蓋民間聚落止以村名惟設官以鎮防者始得稱鎮故宋設鎮官監稅其繫銜曰監嘉興府安吉州烏青鎮稅可證也所辨極明劃烏青如是而南潯可類推矣唯元時張士誠築南潯城遣將守之似與古鎮戍相近然其城僅周三里而明兵旣下湖州轉至南潯守將王勝遂降未幾而城亦毀撤以視後魏六鎮終覺擬非其倫也

〔杜俞吳船日記〕南潯市井最盛江浙盜賊麇集蟻附皆以此爲總匯兩省交界太湖毗連而浙省巨富多在此鎮故

地方尤為繁劇

〔元戴表元東離湖州泊南潯〕張帆出東郭沽酒問南潯畫
屋蘆花淨紅隄柳樹深漁艘齊泊岸橘市盡成林吾道真
迂濶浮家尚越吟

〔明虞堪潯南書事〕偶卽潯南地川原路欲蕪老翁行乞食

稚子幼難一作還扶未放開河卒猶差守戍夫為農那可卜

愁我老一作在江湖汪志按堪自元入明此詩係元時所作故有守戍夫之句

〔明韓奕湖州道中〕百里溪流見底清苔花蘋葉雨新晴南
潯賈客舟中市西塞人家水上耕岸轉青山紅樹近湖搖
碧浪白鷗明櫂歌誰唱彎彎月彷彿吳儂子夜聲

〔明文徵明夜泊南潯〕春寒漠漠擁重裘燈火南潯夜泊舟

風勢北來疑雨至波光南望接天流百年雲水原無定一
笑江湖本浪游賴是故人同旅宿清樽相對散牢愁

〔明王穉登臘八日阻風南潯說偈戲似順師臘月八日南
潯曲雪花滿船浪如屋如來得道道在何師不肯言唯啜
粥

〔明安國南潯道中〕春來蹤跡類浮萍歷徧長亭復短亭數
里石塘天未曉半篷殘月酒初醒湖光豁目開銀鏡山勢
迎船擁翠屏遙望浮圖雲際出舟人指點是吳興

〔明黃周星甲寅九日潯溪諸子招同湖州舊守吳君泛舟
卽事只將望遠作登高桂棹蘭漿豈告勞胸有千峯宜試
杖時非八月亦觀濤龍蛇奔命愁斑管鷗鷺忘機笑錦袍

酒德如天難作頌劉郎爭敢更題糕

吳綺九日同明進士黃九烟南潯秋泛佳會相攜上木蘭
南林秋泛水雲寬由來此日莫輕負向後欲遊應漸寒
米登場家醞熟蓼花吹袂客衣單此身雖健干戈滿救世
須多七返丹

又南潯泛舟七月新涼暑漸微荷花深處釣船歸五湖魚
鳥猶相識爭傍蘭橈不忍飛

陸叢桂吳興別故人歲華行欲盡離亭靄將夕寸心歧路
間日落南潯客

鮑鈇南潯小泊水市千家聚商漁自結鄰長廊連葑屋斥
堠據通津舟子催沽酒村姬偶避人平生湖海客羞現宰

官身

又夜過南潯數里聞村犬昏烟小市寬風便須慮穩天迴
望舒寒夜舫停吹笛疎燈罷倚闌提壺臨水柵一遣旅情
歡

又南潯舟次贈吳縣李景山明府知君家近祝融峯兩地
湖山名目重

謂洞庭

鰕菜三秋連笠澤烟波百里接花封朱

絃疏越遺音在綠水芙蓉秀氣鍾謾謾松風欣御李同舟
人愧郭林宗

又南潯不醉南潯酒於今十五年行藏真率爾鬚鬢欲蒼
然戊卒秋傳柝漁郎夜扣舷浮萍無定跡卽此感通川

又南潯舟次送徐天偉還吳江二首松陵江滿碧潭潭鶯

南溟志 卷一 九
脰湖寬夕照酣此去吳楓猶未落垂虹秋色詠東南 露
濕寒塘烏夜啼酒醒殘月片帆飛怪來張翰多歸思鉞口
魚鮮稻蟹肥

嚴民法南溟曲白蘋亭外西風度吹儂今夜南溟去別浦
初殘金粟花歸舟却繫斜陽樹留滯逢君最可憐襲羅衣
薄霜飛天青驄悔結同心侶紅鳳虛隨攜手仙琵琶聲碎
落秋雨燈前暗與愁人語江上風湍足歎嗟春時花柳關
情緒楚舞吳歌一夕分當筵醉贈珍珠裙明宵置酒西樓
望已隔南溟一片雲

賈蒞溟中曉發幽居恒自適適遠亦何心地僻雲知懶濤
酣天欲沈豈嫌多野泛偶或一高吟偏是漁家火飛來蘆

荻深

凌文然送淵弟之溟上令弟悲分袂歸舟月尚留輕離成
遠別微夢隔殘秋兩岸霜枝短孤燈雁語稠退尋籬竹下
一卷在寒樓

俞潢南林初集宿雨侵晨後寒深野寺中近郊雲氣密隔
水磬音通放浪歸吾黨衰瀉任世風縱橫施劍技刻畫訴
文窮蘊負將無異幽情聊與同情隨黃菊遠語到碧天空
蔬筍填饑眼清醅汰憤衷夜催庭向暝林老葉辭楓隄畔
蕭蕭色遙看月正東

錢載泊南溟太尉廢城雪沒先生孤杖帘招一笑百年此
夜清風明月雙橋

南澗志 卷一
袁枚竹墩訪沈永之不值仙源難久住回艇板橋西霜葉
堆篷滿溪雲壓櫓低小留愁日短重訪爲花迷暮雨南澗
宿聲聲凍雀啼

王鳴盛湖州道中一棹空濛杳靄間坐看雲樹獨忘還白
鹽赤米南澗市流水桃花西塞山焙繭香生蠶舍火種菱
人語碧溪灣千家城郭行將近猶有遙岑露髻鬢

汪尚仁南澗道中泛艇南澗去煙波盪夕陽漲痕添鴨綠
柳影漾鶯黃雨過汀花淨春深岸草香推篷一凝望暮色
正蒼蒼

吳錫麒南澗舟中同問渠叔作東西水柵市聲喧小鎮千
家抱水圓敗齒印沙沾酒屐癩頭抄路送租船清風橋口

三年夢庚辰冬曾泊此太尉城邊一笑緣點綴荒寒賴烏柏小梅
花壓幾梢偏

朱紫貴清湘瑤瑟譜琵琶仙南澗道中次白石道人韻書
貽老友奚榆樓春初榆樓曾譜清平樂一闕招余探梅西
崦以事未果也佳麗江南過鷺脰換了如雲桑葉蠶戶

深揜山屏烟村更幽絕尋舊夢月作襟水佩惹新怨落花
啼鳩結夏年光留春意緒誰共閒說算還有詩老秋厓
蚤先問歸帆甚時節明日一樓榆影東風芳筴憐俊約西
崦未踐又玉湖絮冷飛雪卻憶葦帽衝寒那回離別

龐正達南林雜興茗雪春流一道融綠波三疊跨晴虹市
聲夜入古壕月帆影朝含震澤風筍酒香生秋露白繅絲

邨隔落花紅更添幾點遙山好樓閣家家住畫中 權歌
誰唱水雲鄉幾曲潯溪覆綠楊野色暗肥桑柘雨燈光遙
膩綺羅香萬家簾影開初旭一塔鈴聲倚夕陽風景由來
隨處好漫將十景細評量 洞庭山色望依稀卅里烟光
接翠微野籩燈明秋蟹熟黃梅水急逆魚肥墨溪波暖鴛
爭睡塔院苔荒燕亂飛最是紅蠶齊上箔鄉邨長日掩柴
扉 東西賸有弔橋名遺跡全蕪太尉城風颺荻塘新浪
軟花開石澗晚霞明已憐鷹馬難傳世空說魚龍可厭兵
亂後不堪思往事夕烟衰草自縱橫

秦敏樹南潯秋泊衰柳水邊樓頻來繫客舟烟深村店暝
雨積野塘秋華髮驚黃葉浮生笑白鷗不堪謀一醉又典

舊貂裘

董恂南潯十景詞疎影荻塘帆影橫塘百里趁布帆乍上
今日風利渡口潛遮波面平移渺渺送來橋底江邊八字
分飛處問夢醒白鷗驚未把夕陽隔住篷窗却喚榜人斜
曳不斷蒲懸席挂看蘆灣荻泖旋露還蔽桂楫棠舟東船
西舫日日愁風愁水江湖縱得人安穩已識慣天涯愁意
到夜深寒月初高又把明湖全翳 齊天樂禪院鐘聲墨
溪南去春波綠蕭蕭傍溪烟寺僧課喧餘唄音歇後一片
疎鐘催起風前響遞看梵塔霜高佛龕香細百八蒲牢數
聲吹度白雲裏清音催作去聲薄暮正天留返照霞散餘綺
寂坐頻聞憑欄暗數遍屈纖纖葱指人喧晚市已拓盃多

歸點燈還未待到敲殘又禪扉靜閉 翠樓吟南樓春曉

柳上青歸梅邊白破東風已減寒峭畫樓高百尺聳天半

韶華先到亭臺多少看樹樹芳生花花香繞風光好向陽

門地得春偏早傾倒詩伯詞仙料翦紅浮白醉吟酣笑鸞

闈還結伴也油壁香車侵曉鶯喧蝶鬧想盡捲蝦簾齊開

了鳥欄干外更看明月一峯烟罩

樓在家紹聞園中園有明月峯高二丈餘

新雁過妝樓東閣臨流畫閣高寒凌烟簞中流砥柱同看

綠波十里流過半灘亭邊樓上起樓虛四壁屋頭架屋疊

三間倚層欄布帆葉葉飛渡清瀾何時登臨最好記月懸

玉鏡菜布金田買糕重九還又捉醉偷閒呼童把窗洞啟

便千里都教來眼前梅花曲聽倚來長笛聲徹瑤天 慶

春宮通津霽雪柳絮吟成冰泉煮後北風正釀輕寒纔散

同雲微烘澹日怕教玉地催殘卧虹高處蠟雙屐扶童去

看踏來瓊苑過又瑤街徙倚橋欄凝眸一白漫漫萬樹梅

花粉碎香癡雁齒層鋪魚鱗平叠有人歌徹梁山鄭家詩

思定吟鼻今朝擁酸且教歸去氈帽茸衫驢背馱還 掃

花游垂虹夕照架梁叠石看水面飛虹跨河橫卧曳筇客

過愛衢臨四達路通一舸雁齒層層淨拂欄干小坐洗眸

望正斜照盪空斜日初墮天際雲淡沱看返景金搖晚霞

紅破樹陰烟鎖已鴉陣歸巢漁舟吹火可惜風光付與塵

區土銜且歸麼有聲聲麗譙催我 菱荷香曲江菱歌聽

清歌正秋深石澗雪點晴波一繩低界綠雲平織織羅藕

兄芙蓉弟道種菱勝似栽荷匳啟處鏡面新磨紅嬌翠婉六
幅裙拖更恨家臨九曲似阿儂腸繞曲曲愁多盪舟人到
也教愁蹙雙蛾嬌喉宛轉濁水遊無柰伊何還怕薜蘿逢
他低頭不顧馬上郎過 〔西子妝〕范莊蓮沼一舸借搖五
湖共隱韻事易添歡喜如何一曲小橫塘豔香名也稱西
子彎彎玉臂鬧紅唱還將伊比見鴛鴦問浣紗織手而今
來未西風裏墜月沈烟又聽清歌起相思不識種花人想
花邊白鷗應記秋都老矣莫重話雲情雨意倒金樽且醉
花前綠螳 〔滿江紅〕西村漁火泛宅浮家算漁子只商魚
計傍蘆渚燕來枯蚌比星還細生活且謀春水外人家多
住孤村裏趁黃昏明月未曾高船來矣搖微燄螢同曳馳

幽火鷗先避共漁兒漁女一燈篷底此夜拋叉停古渡明
朝換酒登墟里笑吳儂逸興等濠梁看偏喜 〔踏青遊〕舌
濠走馬拾翠尋芳東風又催遊騎記昔日孤城百雉問烟
村沿曉郭重經荒址只剩有蕭蕭馬嘶芳草不斷夕陽流
水縱目郊原垂楊小桃如綺想太尉雄曾一世兔葵搖燕
麥秀如今何似且小駐茫茫古懷無盡說與跨鞍遊子
范來庚秋舲漁唱 〔舌壕走馬〕畫堞曾傳竊據兵西風乾別
贖空城百年草莽無豪傑千古江山有戰爭日落尙思旌
旆影水流猶帶鼓鼙聲祇今怕問前朝事衰柳哀蟬噪晚
晴 〔洗粉花香〕門前新漲落花多萬斛臙脂瀉綠波春雨
半篙澣紗水西風一曲采蓮歌溪邊尙挂千絲網河底空

傳五色螺遙指洞庭山兩點家家眉黛學雙蛾
垂虹落照粼粼雁齒數垂虹拾級遙看路可通
流水暗連芳草綠夕陽低抹小橋紅
片帆遠樹孤村外細雨斜風短調中
千載元真今已杳笠蓑何處問漁翁
范莊蓮沼紅闌百折映芳池開到芙蓉第幾枝
四面好花西子沼一灣流水范蠡祠
空教越女歌蘭棹更想吳姬雪藕絲
剛見有人拋鈿扇誰家樓閣晚涼時
西村漁火蟹漁汀兩岸平夜深燈火隔溪明
疎星幾點澹無影殘月半鉤涼有聲
遠樹烏啼霜漸冷孤篷酒醒夢難成
江湖秋水蒹葭老鷗鷺思尋舊日盟
煤山望月誰將坏土擬金焦
有客登臨興亦遙幾輩舊遊懷雋侶
一年明月憶良宵眼空玉宇三千界夢

繞揚州廿四橋歷歷市闔俱在望更銷魂處聽吹簫
荻塘帆影幾曲清流繞荻塘飛飛帆影度蒼茫
一桅挂處衝朝霧片幅歸來帶夕陽
估舶遠尋魚米市人家都住水雲鄉
白蘋紅蓼滄江外回首烟波客路長
石澥菱歌誰家水調唱歌頭半是吳歛
半越謳飄泊每添詞客恨風波長替女兒愁
笑從漁婦磯邊隱妝向龍宮鏡裏偷
幾處回船溼羅襪惱人險鏡照三秋
嘉應香市一年一度賽靈祇士女紛紛拜古祠
雞酒競歌迎送曲管絃爭唱太平詞禦災百代酬功盛
降德千秋忠祀宜田事祝豐蠶事熟共將香火告神知
古寺鐘聲墨溪溪畔繫鄉情遠寺鐘敲百八聲明月寒砧
秋萬戶江楓漁火夜三更香衾易醒空房

夢禪榻時聞宿鳥鳴擬製水田衣一領藥爐經卷息浮生

汪曰楨南潯八景詩和壺山荻塘帆影頓塘荻蕭疎一水

當孔道孤舟天際來風勢片帆飽依依煙樹間遐心逐飛

鳥日暮孤影沈兩岸月色皎 禪院鐘聲古寺塔欲敲綠

波繞門外夜半吼蒲牢聲遠透雲靄沈沈夜將闌一杵破

萬籟試問春夢婆可在清涼界 垂虹落照秋色滿東南

此橋名亦借渾似卧飛虹長溪一條跨雁齒映殘霞夕陽

正西下曬網遍橋邊隔岸多漁舍 通津霽雪草屨出門

去步上通津橋光明豁眼界天霽雪未消茫茫一望中四

顧堆瓊瑤誰家映雪人苦讀書聲高 古壕走馬遺蹟猶

可認昔日太尉城城圯古壕在春草萋萋生遊人當春暖

蹀躞花驄行飛花襯馬蹄一徑殘紅平 西村漁火夜色

何微茫西莊聚漁舸晚飯傍蘆碕村樹炊煙鎖波寒露下

時星星簇幽火疑在巖陵瀨有客披裘坐 范莊蓮沼言

尋古園林云是陶朱築綠沼餘紅蓮野田散清馥當時采

蓮人容顏驚絕俗何不借此留養魚又種竹 曲港菱歌

撥棹采菱去沿洄曲港渚也似舞前溪聲聲歌白紵采摘

向秋風狼藉愁秋雨明日瘦菱花歌聲渺何許

紀峻潯上八景荻塘帆影蕭蕭蘆荻遍寒塘屈曲溪流水

一方旅客征帆無限意飛鳥幾隊逐斜陽 古壕走馬南

林古蹟萬家斜墅外曾經控五花遙想當年天塹勢祇今

雲樹暮棲鴉 垂虹落照長虹百尺跨溪干暇日登臨眼

界寬西嶽夕陽明滅處紅霞幾點耐人看 西村漁火古

木陰森一徑幽荻蘆深處蕩扁舟扣舷一曲衝波去遙見

漁燈漾碧流 范莊蓮沼范公舊是築漁莊廢沼殘荷尚

有香借問陶墩兼蠡宅追尋名勝徧池塘 通津霽雪昨

夜曾聞碎玉聲沿橋積雪見空明陰雲萬里寒光徹誰愛

梅花踏徑行 禪院鐘聲市烟稀處扣禪關高架華鯨鎮

日間夜半月明天宇靜清聲斷續到溪灣 東閣臨流脩

然高閣鎮通津瀉碧流丹見水濱石檻莫嫌空咽浪閒雲

猶照舊時春

附錄沿革表 按汪志云南漳自宋時立鎮迄今無改所攷者皆府縣之沿革故立表附於疆域之後

部

郡

縣

鄉

夏商揚州禹貢揚州之域 會稽郡春秋屬吳越滅吳 烏程縣 楚為鎮為烏程縣地

周秦揚州其澤 屬越滅越 邑秦始皇 春申君之

漢 敷具區其 屬楚滅越 二十六年 改菰城為 烏程縣屬

浸五湖漢 屬楚秦始 烏程縣屬

史置揚州刺 皇二十六年 烏程縣屬

郡治吳漢 會稽郡

高帝六年 郡治吳漢

為荆國治 郡治吳漢

十二年改 郡治吳漢

吳國景帝 郡治吳漢

三年國除 郡治吳漢

復為會稽 郡治吳漢

郡四年屬 郡治吳漢

江都國武 郡治吳漢

帝元狩元 郡治吳漢

年江都國 郡治吳漢

廢屬揚州 郡治吳漢

吳郡 後漢順 烏程縣 後漢

南漳志

卷一

疆域

七

宋	晉宋	吳	吳
揚州	揚州	揚州	
吳興郡	吳興郡	吳興郡	四年分會稽置治吳
東安縣	東遷縣	烏程縣	四年屬吳郡三國吳
元徽四年改東遷為	康元年平吳分烏程之東鄉置屬吳興郡	郡治	孫休永安元年封孫皓為烏程侯
鎮為東安縣地	鎮為東遷縣地		

梁	梁	梁	隋
宋齊揚州	震州	陳揚州	按吳興備志隋初隸揚州行臺大
吳興郡	吳興郡	吳興郡	蘇州
東遷縣	東遷縣	東遷縣	烏程縣
明元年復東安為東遷	梁紹泰元年	梁敬帝太平元年	隋開皇九年
鎮復為東遷縣地	鎮復為東遷縣地	鎮復為東遷縣地	鎮復為烏程縣地

南齊志

卷一

疆域

七

業未隸徐 州總管今 攷史無明 文				隋唐
吳曰蘇州吳郡 治	湖州隋文帝 仁壽二帝 年置治烏	吳州隋煬帝 大業二帝 年改蘇州 曰吳州廢	吳郡隋大業 中改吳郡 州為吳郡	吳興郡隋大 業十年 四年江南 元帥沈法
屬蘇州	烏程縣隋仁 壽二帝 年為湖州 治	烏程縣隋大 業二帝 年屬吳州	烏程縣屬吳 郡	烏程縣為吳 興郡

唐 江南道唐太 宗貞 觀元年分 天下為十 道		唐 江南東道唐 宗開元二 十一年分	湖州唐開元 二十一年 東道屬江南	烏程縣	唐管鄉四十里二 百並無攷
興復置吳 興郡治烏 程唐高祖 武德三年 為李子通 所陷	李通置 湖州領烏 程一縣六 年又沒於 輔公祏七 年平復置 治烏程貞 觀元年屬 江南道		為湖州 治		

南唐志

卷一 疆域

七

唐	唐	唐	唐
江南東道 置西二道各 置采訪使	江南東道	浙江西道節 度使唐肅 宗乾元置	鎮海軍節度 使唐德宗 建中二年 置東西二道
吳興郡唐元 宗改	吳興郡唐元 宗改	湖州唐乾元 復以郡為州 屬浙江西道	湖州唐建中 二年屬鎮海軍
烏程縣為吳 郡	烏程縣為吳 郡	烏程縣為湖 州治	烏程縣

唐	唐	吳越	唐
浙江西道都 團練觀察 使唐德宗 貞元三年 分浙江 東西為二 道置	忠國軍節度 使唐僖宗 文德元年 置治湖 州	海軍節度 使後梁太 祖開平 元年廢忠 國軍封錢	唐
湖州唐貞元 三年復屬 浙江西道	湖州唐文德 元年為忠 國軍治	湖州後梁開 平元年屬 吳越鎮海 軍	唐
烏程縣	烏程縣	烏程縣	唐

王鏐為吳越

吳越宣德軍節度

湖州後周顯德六年

烏程縣

使後周世宗顯德六年

治宋太宗太平興國三年

納土

錢俶置治

三年吳越

宋兩浙路

宣德軍湖州

烏程縣

震澤鄉 宋初為鄉 三十一太

道三年分十

宋初仍帶

國中分潯

平輿國中分十

天下為十

宣德軍節

溪以東五

五鄉置歸安縣

五路各置

度屬兩浙

蘇州吳江

景德中又併其

宋兩浙路

昭慶軍湖州

烏程縣

震澤下鄉 宋熙寧

寧七年分

宋仁宗景祐元年改

昭慶軍

二鄉實管十一

南宋浙西路

昭慶軍湖州

烏程縣

震澤下鄉

分爲浙東

屬浙西路

為安

震澤下鄉 潯溪地

南宋浙西路

昭慶軍安吉

烏程縣

震澤下鄉

年復分十

昭慶軍

吉州

潯溪地

年復合

昭慶軍

州

潯溪地

年復分十

昭慶軍

州

潯溪地

年復分十

昭慶軍

州

潯溪地

年復分十

昭慶軍

州

潯溪地

年復分十

昭慶軍

州

潯溪地

年復分十

昭慶軍

州

潯溪地

南宋浙西路	昭慶軍安吉烏程縣	震澤下鄉南潯鎮
州	治	林
元 兩浙都督府湖州路 元世祖平 宋置治杭 州路	州 昭慶軍安吉烏程縣 州路 元世祖至 元十三年 平江南置 湖州路安 撫司屬兩 浙都督府 十四年為 湖州達魯 花赤府	震澤下鄉南潯鎮 宋理宗淳祐末 年置鎮設監官 元屬後潘村巡 檢司

元	元	明
江浙等處行湖州路	江浙等處行吳興郡	江浙等處行湖州府
元 中書省 祖至元二 十八年改 江淮行省 置治杭州 路	元 吳興郡 正十六年 張士誠改 吳興郡	明 中書省 初 為浙江行 省治杭州
元 十八年屬 江浙行省	元 順帝至 吳興郡	元 至正 十六年 明 湖州府 改為湖 州府隸 浙
烏程縣	烏程縣	烏程縣
震澤下鄉南潯鎮	震澤下鄉南潯鎮	震澤下鄉南潯鎮

注曰慎東遷改晉立東遷縣凡三百餘年始廢今廢已千餘年其縣治及縣境諸家方志未詳攻之者前人多指城東六十里之東遷村為東遷故治非也實在城東四十里之舊館村耳宋談鑰吳興志云故東遷縣在烏程縣東四十一里	明 直隸 湖州府 明洪武二年湖統於 州府 武二年湖統於 直隸	江行省	
	清 浙江布政使 湖州府 明洪武十年 烏程縣	震澤下鄉南潯鎮 後潘村巡檢司 移南潯鎮仍故 名本朝乾隆 四年改為南潯 司巡檢八年湖 州府通判移治 南潯	震澤下鄉南潯鎮 明洪武十四年 復置後潘村巡 檢司

又云東遷館在州東四十里本名太湖館開元二十九年刺
 史張景遵置大歷九年刺史于頔以其近昇山館移向東二十里
 嚴村置之夫太湖館本即今之舊館而易名東遷館明指為晉
 縣後人遂多蒙混并嚴村之名無復知者康熙中高必騰烏
 程縣志云舊館城是古縣治有廢址在舊館此正東遷縣城
 而不敢明指東遷蓋疑于嚴村之東遷而未決也至其縣
 境據太平御覽引吳興記云嚴村有廢址在舊館此正東遷縣城
 哭友之嘗登之因以為名今孺子山在府城東二十八里此
 庭山并荻塘直北其東境則至今望官河北境則有新市鎮
 陸修靜嘗沒潭中數月乃出故談志云仙潭在嘉市鎮東
 人則其南境直屬吳縣新市屬德清縣在當日並隸東遷縣
 今兩洞庭山屬吳縣新市屬德清縣在當日並隸東遷縣
 雖併入烏程而縣新市屬德清縣在當日並隸東遷縣
 登瀛南潯程而縣新市屬德清縣在當日並隸東遷縣
 龔舉兵攻武進梁書敬帝紀紹泰元年冬十月震州刺史杜
 東將軍震州刺史杜震州刺史杜震州刺史杜震州刺史杜震州
 震州刺史杜震州刺史杜震州刺史杜震州刺史杜震州刺史杜
 月紀有遣吳興太守裴之橫之文攷龔本傳云以龔為震州

刺史吳興太守龕卽繼之橫而守吳興者龕之前未有震州
刺史之職蓋卽置于是年之夏承聖四年卽紹泰元年也明
年又改太平元年是震州之置首尾不過數月耳又元和郡
縣志通典太平寰宇記等書皆云梁末改爲震州後復爲吳
興郡細核梁書非改郡爲州乃置州于郡耳吳興郡舊屬揚
州刺史今改屬震州刺史兼領郡守他州皆然郡未嘗
廢也又舊府志並云梁制郡爲州縣爲郡故以吳興郡爲
震州以烏程縣爲吳興郡此說尤謬未可知惟羅縈縣志
不誤五代史梁末帝紀貞明五年四月以鎮海軍節度使治湖
都指揮使湖州刺史錢宏傑爲本州節度使宣德軍節度使又周
世宗紀顯德六年二月詔升湖州爲節鎮以宣德軍爲軍額
以湖州刺史錢宏傑爲本州節度使宣德軍節度使又周
唐置忠國軍後云梁唐晉漢因之周顯德時改爲宣德軍以
史攷之則非也蓋忠國軍節鎮入吳越已廢故梁開平四年
吳越王錢鏐以錢鏐爲刺史未嘗以爲節度使而傳鏐之領
寧國軍曰遙領不曰兼領以湖州已無軍額也因其久廢故
于周置宣德軍曰升而不曰改歐史職方考湖州于周注
宣德于梁唐晉漢不注忠國是也又按盧熊蘇州府志謂
分潯溪以東屬吳漢江乃唐開元二十八年事蘇州府志謂
刺史吳從衆割洞庭三鄉與烏程易焉潯溪文獻從其說然
開元二十九年湖州刺史張景遵設震澤館在今之震澤鎮

若已分屬吳江不應更設館矣又湖州府城天寧寺石幢其
一題云大唐國浙西道湖州烏程縣源鄉宜陽里住居平望
驛南弟子芮文琛捨錢五十五貫文造乾符六年四月二十
五日是則乾符時猶未屬吳江也據歸安縣志事在分置歸
安之後則當在宋太平興國中非開元時明矣

附錄南漳鎮經緯度及偏東里數表 按是表據府縣志所載

春分日測得太陽高弧五十八度五十二分三十六秒 卽赤道

秋二分太陽與赤道合 內減清蒙氣差三十餘五十八度 與象

限儀九十相減得三十一度八分 卽南漳鎮北極出地度 卽其地在赤

又推得南漳月食 戊正二刻六初虧京師月食 戊正一初虧相

減得差十五分二十四秒 卽百二十五分四秒亦卽

有率時刻分數 一 時刻秒數 四

求率天度分數 一五 天度分數 一

南漳志 卷一 疆域 一

有數差時分數 一五四 差時秒數 九二四

求數偏度分數 一二三一 偏度分數 一二三一

求得二百三十一分即南潯鎮偏京師東三度五十一分即其地距中線之經度

有率半徑 一〇〇〇〇〇〇〇

求率赤道每度里數 二〇〇。

有數天頂距極度正弦即北極出地度之餘弦 八五五九六六四

求數偏東狹度里數 一七一·一九三三

有率度數 一。 分數六〇。

求率狹度里數 一七一·一九三三 里數 一七一·一九三三

有數偏東度數 三八五 分數 二三一。

求數偏東里數 六五九〇九四二 里數 六五九〇九四二

求得南潯鎮偏京師東六百五十九里零與湖州府偏東五百九十里零相

減得六十七里零即南潯鎮偏府城東之烏里數在府縣治東七十里即人行虛數

也

此與汪志康熙時內府銅板輿圖所計之北極出地三十度五十三分偏東三度五十分不同

南潯志卷一終

南潯志卷二

里人周慶雲纂

公署 會館公所附

監鎮衙 宋於諸鎮設監官其衙各設本鎮今無攷

鹽漕水利湖捕通判署 在東柵大街懼字一圩舊管糧通判

署在府治西乾隆八年移駐南潯以便控制巡哨十一年卽

潘尙智沒入官房改建衙署正堂燕堂內宅計三進又東廂

耳房三進宅門大門照牆披柵一切如制咸豐庚申六月十

二日粵匪至鎮燬去頭門八月十六匪復至衙署全燬光緒

二年通判劉克成請撥善後公款四千餘金重建三十一年

通判孫篋募資重修署設書識一名門子二名快手六名巡



緝民壯十名鹽捕五名阜隸八名軍健八名轎傘扇夫七名

巡船二隻水手十五名汪志按金友理太湖備攷云太湖同知初制兼轄浙省太湖乾隆八年湖州府通判移駐南潯太湖水面按照兩省地方分界管轄

巡撫常安請通判移駐南潯疏太湖瀦水汪洋支港紛雜

實為盜賊淵藪臣查湖州府所屬南潯鎮與江省接壤地

處湖濱烟火萬家商賈雲集易藏奸匪向設巡檢不足以

資彈壓請將湖州府城駐劄之通判移駐書役人等俱照

本官原設除通判衙門事務循舊管理外其太湖水面按

照兩省地方與江南太湖同知分界管轄各縣編烙船隻

姓名造冊申送通判以憑查對并令每歲督催清釐倘失

事疏防應將通判與專汛官一體叅處每月駕船遊巡并

將會哨緣由分報道府查考以杜規避所需衙署現有潘

尙智入官房屋應撥出正房三進東側房三進改為通判

衙署添建牆垣披柵木橋至入湖巡緝應添造唬快船二

隻駕船水手十五名巡湖民壯十名查通判衙門向有鹽

快十五名快手八名阜隸十二名今各州縣緝私有府縣

鹽捕哨兵足敷差遣請於通判鹽快內撥出十名充巡湖

民壯又於快手內抽撥二名阜隸內抽撥四名充補水手

尙少九名有烏程長興二縣從前撥協江省之民壯四名

應行掣回留充又從前烏青鎮同知衙門原設巡鹽哨兵

二十八名因缺奉裁分派安吉等七州縣今應抽撥五名

以足水手之數所有工食按季解給毋庸添設至通判關

防請鑄給以昭信守庶平行分任呼應較靈用以弭盜安民大有裨益乾隆九年三月三日奉旨依議

程榮重建南漳通判署記

文見碑刻

巡檢司署 在南柵箋字一圩舊制後潘司巡檢署在縣東五里後潘村元置吏一員弓兵十八名明洪武十四年復置後圯移居南漳稅課局又圯僦居庵觀民舍視事無常處至乾隆四年奉文改為南漳司部頒印信巡檢曹進創建衙署三進儀門一間大門三間照牆一座嘉慶二十三年巡檢張鳳來重修道光十三年巡檢胡次耕復修咸豐庚申六月十一日粵匪至鎮被燬後任賃居民房視事管轄南漳鎮及十七區至二十三區地方東接江震西通郡城南達含山烏鎮

北近太湖漚港水陸叢雜彈壓巡緝設書識一名阜隸二名弓兵十五名

胡次耕重修南漳巡政廳記

文見碑刻

分防南漳汛千把總署 在西柵嘗字四圩久圯歷任賃居民房舊制湖協右營千把一員輪防外委千把一員馬步戰守兵丁五十八名船六隻舊在嘉應廟側故當時有嘉應汛之稱後改本汛千總或把總一員戰兵六名守兵十三名兼轄東遷汛守兵五名三際橋汛守兵五名舊館汛守兵五名晟舍汛外委一員守兵七名昇山汛守兵五名粵匪後又改南漳汛兼顧晟舍把總一員

按汛地縮小改爲把總

步戰兵五名守名十九名晟舍汛外委一員

即馬兵一名

守兵四名此缺宣統二年裁

水師統帶辦公所 粵匪初平伏莽堪虞大吏以潯鎮爲水陸要衝調水師統帶一員勇百餘名砲艇十餘艘分泊各水柵口並離鎮略遠之水道扼要處同治五年唐都司秋元到防七年租絲行埭張姓基地籌資建屋爲辦公之所歷任統帶因之

湖屬鹽捕水師營辦公所 承緝湖州全屬私鹽設舳板十餘艘搶划數十艘以管帶領之分駐城鄉各區其管帶賃西柵民房爲辦公所時出巡哨

巡警局 自省城設巡警道後城鎮巡警剋期成立潯鎮於宣統二年正月賃民房設局就團防水陸勇八十人中裁去半數改募巡勇二十名由通判督帶省局派警官一員訓練之

團防局 光緒二十一年募勇四十名謂之長防至二十七年里人劉錦藻等籌捐募設飛划八艘管帶一員水勇四十名局設廣惠宮右鳳梧堂後增募二十名并長防爲百名宣統三年九月停辦

設立團防公呈劉錦藻龐元濟張寶善邱炳垣邢傳經梅鴻金燾閔次顏錢汝雯周慶雲陸熊祥邱炳珍李惟奎沈克剛等爲籌備飛划公舉管帶謹將所擬章程並請領軍火呈請察核事竊北方拳匪交鬪已肇禍端近來謠言迭興隣近蘇省村莊劫案層出南潯人煙稠密宵小潛踪而地當要衝尤爲若輩往來出沒之所若非嚴密巡緝難免無意外之虞潯鎮駐防營勇惟楚軍新左營分泊柵內外

舳板八號湖協右營汛兵六名及本地長防勇四十名合鎮地面遼濶區區勇丁百餘名巡防殊難周到本擬稟請添撥營伍而聞湖防陸軍現方有抽調之令其勢斷難兼顧欲濟目前之急不得不自籌保衛之方惟勇丁一名所費不貲籌款既難召募非易職等現在就地籌捐趕備飛划八號募練水勇四十名藉資巡緝第新集之勇非得諳悉營務之員不足以資訓練茲查有候補府經歷夏經歷尙忠勤慎樸實久歷戎行而於潯鎮地方亦復情形熟悉擬請飭委管帶以專責成至洋鎗藥彈尤爲巡防緊要之具先行開單呈電籲懇給文具領繳價爲此將籌備飛划緣由並擬具章程十條呈乞大公祖大人俯賜察核詳委

夏經歷尙忠管帶潯鎮飛划會同在鎮水陸營汛協力巡防以資保衛實爲德便

湖州知府志批北省拳匪肇衅以來內地土匪私梟難保不蠢然思逞本府正以潯鎮近接太湖地方緊要時時爲念茲得該紳等就地籌捐添設飛划八號募練水勇四十名以資巡緝具見誼切桑梓洵堪嘉尙所議章程亦甚妥洽候卽札委夏經歷尙忠作爲管帶會同水陸營汛認真防護粘單附

湖州知府志照會爲照會事本年六月初七日奉臬憲榮排單札開照得浙省幅員遼濶匪盜夙多迭奉諭旨飭辦團練保甲藉資捍衛乃閱各屬稟報率多空言塞責求其

辦有實效者殊屬罕觀今者北省拳匪因與洋人爲難中外致開衅端從此兵連禍結正不知如何收拾本省禦侮事宜固當速爲佈置惟外匪內奸難保不乘隙而起爲吾民籌急救之策舍辦團練保甲而外別無良法查溫台各屬民風素強此外如甯屬之奉象鎮紹屬之諸新嵒金屬之義烏東陽衢屬之江常開嚴屬之淳遂處屬之青田縉雲等縣均不乏勇敢之士果能激以忠義練習成團大可補官軍之不足應責成各該府作速督飭各縣會商紳董效古人毀家紓難之義由各殷富量力捐資各就城廂村鎮購置器械團集年少壯丁習練技藝無事則各安耕鑿有事則合力禦匪仍須慎選團總嚴爲約束毋任結眾滋

事其沿海團丁及各漁戶有能協助官軍奮勇禦敵者定當會詳撫憲奏請破格優獎以示鼓勵當此外海內憂交偪而來正官民卧薪嘗膽之日且本省財力有限未能處處設防如能上下一心使人人以身家爲重力圖自保則眾志可以成城何患不固若金湯是在各守令善爲董率而鼓舞之耳合亟排遞札飭札府立卽督飭所屬遵照刻日會董將團練事宜妥速舉辦限半月內辦竣稟復由各該府親臨點驗以團練之是否認真定各牧令之優劣據實開摺稟候核辦時事迫切各牧令如再仍前因循定行詳請撤參該府有督率之責亦當實力從事毋稍違延同干未便其保甲事宜亦飭認真抽查勿任匪類匿跡是爲

至要切切等因奉此查該鎮瀕臨太湖地方緊要前據稟稱就地籌備飛划八號添募水勇四十名以資巡緝等情前來卽經批示在案茲奉前因除通飭各縣遵照外擬合備文照會爲此照會貴紳等請煩查照憲檄事理將團練保甲事宜會同印委各員認真舉辦一面仍將飛划巡緝各事妥爲經理隨時報查幸勿有稽是爲至要須至照會者

團防局章程 一添設水巡飛划八條每船一艙長三勇共三十二名另護局勇八名合計四十人 一聯絡陸巡潯鎮駐防楚軍新左營抽調四十名會同水巡分查四柵每柵二十人以專責成遇有搶劫之案鳴鑼爲號迅速馳

援遲延者重懲 一輪流督更仿唐公桂圃十家牌辦法每十家立一牌輪流值夜輪值之家門外須掛一燈遇有警報鳴鑼爲號沿途接應 一驅逐游民潯鎮匪類繁多凡遇江湖賣藝以及流落鑣客人等一概不准停留 一清查窩頓匪類入境必以煙館飯店客廡爲寄頓之所現擬先行編查煙館門牌註明人口以便稽核自六月初十日起煙館一律十句鐘息燈按段嚴查違者封閉 一稽察客船光蛋遊匪以船爲家聚散無常飛划往來梭巡如遇客船情跡可疑者勒令出境或夜深不願出境者必得搜查有無禁器以免匪類混跡 一修理柵門潯鎮所有柵門年久失修甚有廢棄者現定擇要修理舊者新之廢

者興之水柵亦一律修整 一開除局用飛划統帶每月薪水洋銀二十元司事二人每月薪水洋銀十四元工人兩名每月洋銀五元火食雜用每月洋銀六十元艙長工食每月洋銀六元水勇工食每月洋銀五元 一籌備經費以上所費作爲一百股已經紳商認定現在每股先收四千文公議不敷按股勻攤不得推委 一預定賞格重賞之下必有勇夫凡遇搶劫之案奮勇兜拿當場擒獲者以及事後通風人贓並獲者酌量案情大小以定獎賞重輕或不幸有受傷之人酌給醫費拒捕身亡者從豐棺殮撫卹其家

民國公所 宣統三年里人龐元濟等籌捐招募民團裁團防

局而歸併之設額三百六十名以前湖防統領費金組爲團

長賃民房設局并分駐四柵以資巡緝九月十八日成立

清鄉局 光緒季年梟匪猖獗江蘇藩司瑞澂爲督辦江浙清

鄉事宜因設局於溇賃居民房爲辦公之所戶口查訖局卽

裁撤

洗心遷善局 在東柵懼字一圩晏公廟西地爲張星齋所助

計二畝一釐光緒十二年陸壩等稟請仿照郡城章程建造

向南平屋五間三進費二千餘緡府委佐雜一員駐局管理

曰洗心以治世家不肖子弟曰遷善則地方痞棍責治拘押

其經費由富商捐助並於絲包撥捐一角各業又有永愿常

捐

蔣錫紳洗心遷善局碑記烏程縣治之東轄巨鎮以十數最所稱南潯鎮有聲南潯距縣治七十里而近市廛櫛比烟火萬家又境隣江蘇宵小易匿迹鎮之羣不逞者與連輒橫行市中有睚眦怨必報復里有婚喪事恒相率造其門索不遂則同聲詬詈之必贖其欲而後去或鳴于官捕治之逾時復出橫如故鄉人皆患之謀所以處之之道僉曰惟郡中洗心遷善局之法爲最良洗心遷善局者前太守鄒惠清觀察所設也曰洗心則故家之不類者居之曰遷善則市井無賴居之禁錮一室朝夕邏守之局之司事者日與之講說善事有不率者則有司董之錮旣久悔心慚萌或親族來保則釋之許其自新往往爲良民以去鎮

之人議旣成乃上其事於郡縣及憲司皆報可於是清河張氏首捐地一區其餘斥貲以助興建者踵相接五月而工竣落成之日捕其尤者禁錮之羣小皆斂迹或竄避他方不復至閭里爲之一清焉明年春錫紳歸自海門羣使爲之記不獲辭乃著其緣起而識于後曰天賦人以至善之性而又有賢父師督責教誨之自少至壯若川之有防兢兢焉懼其或潰也及夫組織仁義琢磨道德其上者爲名公魁儒下亦狷介自守型於一鄉匪僻之途不必禁而自絕也方嘉慶道光間南潯講學之盛甲于他處錫紳生晚不獲隨諸老師宿儒後奉手受教而過庭之時習聞緒論孜孜以窮經敦行爲務迄今遠或百年近且數十年而

流風遺韻蕩然無存者何耶科舉之學溺人既深而耆宿
淪謝復無人焉爲之提倡于其間使之窮經而敦行輕儇
之習遂成風俗可不懼哉昔漳浦蔡文勤公既沒之後其
鄉人不敢賭博者猶三十年遺風所被興起若此况身爲
化導者乎余既憫夫斯人之不幸而自蹈于禁錮而尤願
吾鄉人士力敦古誼以復諸老輩之盛善氣薰蒸咸遵軌
轍則斯局之設特一時權宜計耳局經起於光緒十三年
正月至六月而告成時官斯土者知府漢軍丁鶴年同知
上海瞿永嘉通判甘泉劉克成知縣延津徐振翰南潯司
巡檢嘉應張麟石總局事者候補巡檢欽方洪亮也例得
備書光緒十四年二月里人蔣錫紳撰按記未曾勒石
故不入碑刻

設立洗心局公呈錄節具稟前福建漳浦縣知縣陸墉職員
談熊江舉人蔣錫紳周慶賢廩生張爾欽陸熊祥增生唐
宗堯監生徐星年附生梅福墉張爲弼張爲第蔣選錢爲
籌設公所化莠安良叩請批飭遵辦事竊南潯一鎮人煙
稠密良莠不齊良家子弟被人誘惑洋烟賭博無所不至
其父兄約束則不從欲送官懲治有碍顏面遷延日久流
爲匪類伏念前府憲鄒于郡城創設遷善洗心局所有不
肖子弟及流爲無賴者准由該管父兄送所羈管使之自
新裨益匪淺惟郡城所設公局屋宇無多若潯鎮亦按名
并送勢難容棲職等公同商議擬請在於潯鎮就近地方
仿照郡城遷善洗心章程設立遷善洗心局遇有不肖子

弟以及棍徒卽送公所羈管以冀悔悟自新並請遴派委員督同經理所有建造公所督同工匠估計需錢二千串左右已由闔鎮店舖情願捐集至每年應需經費又經紳富劉鏞龐雲鎰張鴻順張成績邱其樑金桐邢基等按年共捐錢五百捌拾千文絲業周申昌梅恒裕沈天長等允議售絲一包捐洋壹角統計每歲所入足資敷用無慮匱乏惟公所基地係監生張星齋等愿將祖遺公產坐落潯東一百七十一莊懼字一圩計地二畝一釐合族出立助契捐入公所業經稟請邑尊飭承過戶並由職等擇吉建造爲此酌議章程繕摺呈核至於用過經費年終刊刻徵信錄分呈府縣報銷以昭覈實祈核詳立案

湖州府知府丁鶴年通稟節錄據南潯釐局委員劉令申據該鎮紳士陸墉等稟稱現於潯鎮創設遷善洗心公局應需經費除已捐集外尙恐不敷茲據絲商允捐售絲一包助洋一角自光緒十三年正月初一日爲始按期隨同正捐彙交絲業公所俟職等隨時領取等情到局覆查是項經費係屬各絲商願助旣無關於正捐亦非出自鄉民並無窒礙事尙可行申祈轉移立案等由過府准此卑府查南潯鎮爲烏程屬一大市居民櫛比鱗次良者固多莠亦不少自蒞任以後每督飭縣紳宣講鄉約循循勸誘以期默化潛移無如近效難收莠者不能卽時爲善誠如該職陸墉等所稟一經被誘子弟昏迷不覺父兄管教不易難

免匪類爲伍若一概繩以官法又似不教而誅欲期化莠爲良莫若送入洗心遷善公所錮其身足使桀驁之氣不得不消發其天良使愧悔之萌不得不力誠爲地方變惡爲善之良法且卑前府鄒守在郡城設所以來頗著成效所患者屋宇無多經費有限勢難各鎮兼收現據該職等請於潯鎮地方仿照郡城章程創建洗心遷善公所所需經費業已捐有成數而所籌絲捐又係出諸絲商樂輸既經釐局查明於正捐鄉民兩無窒礙所擬章程亦尙妥洽應准照行除批飭該職等實心任事一俟建造工竣卽行照章稟候委員督同辦理並札飭烏程縣隨時稽察期收實效外理合據情轉詳仰祈憲臺察核俯賜批示立案光

緒十三年二月二十八日奉撫憲衛批如詳立案仰卽董飭縣董隨時認真稽查悉心經理爲要並報明臬司查照仍候督部堂批示繳

〔洗心遷善公所章程〕一洗心所專收士商人家子弟不遵父兄教訓喫煙賭博游蕩之人禁錮期年察有悔悟之機由本人父兄親族保釋一遷善所原爲賭博小竊以及好勇鬪狠動輒滋事未便繩以官法卽由公所羈管若係拐販盜竊行凶之人罪在徒流以上者應聽地方官懲辦不得拘入公所以昭慎重一凡入洗心所之人其能識字者督令熟讀善書以資覺悟定以功課尙有不能完功者隨時戒飭其有舊習手藝者亦令隨時工作以振其

志氣 一凡人遷善所之人稍能識字者亦令熟讀善書並隨其力之所近課以工藝 一公所經費有限凡入洗心所者原係體面人家子弟每年津貼飯資錢三十千文 一洗心所所收管之人遇有疾病延醫調治如患危急之症卽令其父兄親族領回醫治 一遷善所所收管之人疾病一體延醫調治遇有疾不可爲至於不測卽令其父兄親族買材收殮如無父兄親族之人由師善堂殮埋隨時稟報查考 一除委員薪水飯食悉照郡章外議設司事一人看役兩名把門聽差各一名水火夫兩名每月各項薪水工食由司事按月分別給發不准預支 一公所之設本係地方善舉董事諸人不得開支薪水公所事

宜每月董事二人督同經理十二人按月輪流不得推諉 一公所用欸每月由司事謄寫月總一本交司董查核年終彙入徵信錄 一公所每年經費由紳富捐助永愿並由各絲商按包捐助如用有餘盈年終交典生息並將存典錢洋數目刻入徵信錄各董事不得私自存放致滋流弊 一公所支收錢洋總數每年刷印徵信錄分別送呈府縣衙門並紳富士商以備存查而昭核實 光緒三十三年續增章程 一委員薪資務須減給以消分湖各委覬差之藁如果兼管則保甲之俸決刪無疑護勇舊設四名應減二名看役時有多少仍不得聽衙役混充如有添減須由董事承認以杜流弊 一該所如有違

章暫寄代押等情司月董事仍有特別舉發單銜稟計之
權扶徇同科 一遷善浮額剋日實行開釋以達善後改
良之目的此後遷善收管事由除立表宣佈外一面知照
董事以資稽核 一司賬照章一人主持外司事幫賬名
目毋容增列以符現章司年司月之宗旨 一司年定六
家司季董事定八人 一本局護勇現在暫定二名看役
三名水火夫二名更夫一名管門一名 一洗心飯資應
卽追討自繳齊後照章預收三個月以後如欠至一月以
上者送還原保自行管束 一遷善原額十名現加二名
額滿後倘有送進局中開明案由暫押三天隨請月董決
議如應拘押於原額中擇輕者開釋以補其額至詞訟案
犯不得擅收

自治局 宣統元年省城設自治籌辦處鎮鄉限三年一體成
立鎮紳有預備自治會之設二年八月間從事調查三年正
月正式選舉四月推舉會長而議事會成立五月選舉正董
副董及名譽董事而董事會成立局所暫借義倉

禁煙局 禁煙之議創於光緒三十二年八月假鳳梧堂爲局
所局長局副以官紳分任之有調查員二十人以停閉煙館
調查私吸爲主並發戒煙丸設戒煙局延醫診治調查煙戶
發給煙照之事皆屬焉

稅務 烏青志云宋時稅務在眾安橋北鎮官兼領收租德祐
丙子後移安利橋南爲酒醋稅務兼收兩鎮稅課大德年間

各歸所屬烏鎮屬湖州移在南潯青鎮屬嘉興移在石門止
管稅課酒課按今清風橋之西猶有務前之稱而遺址湮沒

潯溪坊 宋時烏鎮稅務分設酒醋坊凡十六所一在潯溪今

南柵有醋坊橋北柵有酒坊橋蓋其遺址 汪志按談鑰吳興志云監烏青墩鎮

稅務兼煙火公事一員多差文臣京官又云烏墩鎮稅務在本鎮每半月合發一千七百七貫文經係本鎮團綱起發赴州庫潯溪坊係民戶買

稅課局 湖錄元官澤稅務在縣東七十二里明官澤稅課局

勞志云卽元官澤稅務洪武二年改爲南潯館驛十年革十

八年置爲稅課局明會典云嘉靖四十五年革按是年巡按

御史龐題革其衙門員役工食俱入條鞭徵解 汪志按舊志八年置二十年革正統十二年重置嘉靖十年革與湖錄異又按官澤在縣南七十里地屬一都稅務有官澤之名意初

設在官澤後移南潯歟

南潯館驛 明洪武二年置十年革

范鎔潯溪紀事詩稅務廳前草色青太湖館外水盈汀數

殘津堠東西路不見春風古驛亭 東遷館在縣東四里本名太湖館

釐捐局 同治初創抽釐助餉之策南潯以絲捐爲大宗四年

設局於鎮設卡於各柵口出入貨項照則抽收惟絲經正捐

由絲商設立絲捐公所經收捐欸填給聯票然後赴局投換

護照按月照解不同各捐之徑由該局主政也局所在南柵

蔣家橋南賃居民房

洋藥局 光緒十年由滬關派委員一人駐鎮查驗洋土印花

賃東柵民房爲局所

南澤志

卷二
三

溇溪鋪

宋時東門塘路郵遞四鋪一在溇溪今無攷

汪志按劉沂春崇禎烏程縣志云三里鋪縣東四十二都鋪兵

三名高必騰康熙烏程縣志同此後府縣志並不復載蓋茗溪驛既裁故遞鋪亦廢

郵政局

在北柵中市賃居民房光緒季年設置今爲二等郵

局設局長一員郵差若干名

電報局

光緒九年始設電綫自上海至溇鎮由溇達蘇州歷

嘉興府通杭州委員一人電生四五人二十年電桿通至湖

郡局遷城內溇鎮改設分局賃居北柵民房無常處今爲二

等電局設局長一員電生若干名

甯紹會館

在北柵外下壩嘉慶中建咸豐時燬同治五年重

建光緒十六年復建

新安會館

在南柵寓園旁其廳事曰遵義堂後供朱文公神

位道光十一年建咸豐時燬同治四年重建又別置公所于

醋坊橋東竹園頭道光十六年建咸豐時未被燬

金陵會館

在南柵廣勝橋東北光緒十一年建嗣又別置厝

所於對岸箋一圩

閩公所

卽福建會館在南柵陳家墩其廳事曰正中居久圯

絲業公所

同治四年春絲商莊祖綬李桂馨吳鐵江華銘軒

等稟請藩司蔣批准設立以收解捐稅維護絲商爲職志假

南柵廣惠宮隙地建屋三楹爲辦公之所公舉董事聘用司

事經理其事其經費由絲商按出洋絲包酌提若干應用其

時龐公照邵棠等籌辦地方善後其始募之殷戶後因本鎮

殷富業絲者居多數乃於絲包出洋每包輸捐洋兩元作為籌辦義舉之用稟請湖州府楊批准立案嗣改絲每包輸捐洋一元經則半元至十二年又減半十三年停止共輸洋八萬餘元其款均由公所職員經收轉解備書於此

南潯志卷二終

南潯志卷三

里人周慶雲纂

學校

鎮學 元時鎮建儒學設教諭一員以主學事明初廢按或云報國寺

即其故址

社學 明嘉靖中知縣錢學建鄉都五所一在南潯後廢

鄉約所 明嘉靖中知縣錢學建鄉都五所一在南潯後廢知

府陳幼學恆到鎮舉鄉約每就廣惠宮蒞事云

義塾 明董份置久廢至嘉慶十三年杭人周性寓潯始創義

學於廣惠宮後移於宮南董氏傳桂堂二十一年廢道光中

里人張宮桂錢炳熙復設於廣惠宮未幾又廢咸豐六年絲

捐局董事復設始於南柵箋字一圩巡檢司署東北建屋一進三間爲南林義塾又分設一塾於西柵祇園寺中硯冰精舍後燬同治六年重設南柵在育嬰堂後北柵在圓通庵西柵在武聖宮由絲業捐銀二千元存典生息爲經常費光緒末年逐漸停止

潯溪書院 在東柵馬家港懼字二圩潯鎮初無書院咸豐庚申辛酉間里人吳鞠譜寓居上海商諸潯上諸寓公設南林會課延龐公照爲師時故鄉淪陷而旅居者弦誦不輟同治三年甲子湖郡肅清後南林會課舉行如故爲創建書院之初枕五年邑令蕭書倡捐廉俸二百緡朱文肅公後裔養恬等助馬家港懼二圩地一畝四分由本鎮絲捐項下撥費三

千餘緡又增置潘氏地四分造講堂三楹後樓三楹均南向大門門房三間共三進樓左建廳事三楹爲息游之所又前爲庖廚三間經始於庚午年至辛未年告成經紳董公稟請撥湖郡善後絲捐款存典生息爲膏火貲規模乃備每月朔望兩課每年二十課其甄別請知府課試又請府縣官課二次著爲常例

山長初爲里人龐公照繼爲嚴辰

又查同治乙丑補行歲科三

試吳宗師存義案臨湖郡同里朱寶書溫鼎龐正莊沈鏡漪等謁郡邑尊公稟學院請將僞鄉官張竹香住宅入官作書院基址蒙卽批准是歲五月間邵棠陸長春等以張竹香已拿解郡城具稟府縣請令當堂具結給示勒石作爲書院暨各善舉公所蒙府縣批准在案九年以張竹香尙有胞弟張

墅香未經分析應得一半未便一例入官由邑尊蕭斷給錢五百千文由蔣堂等繳價稟請弔單樹案以清瓜葛惟院基既由朱氏捐助而逆產又指明爲書院及各善舉公所因定爲書院育嬰師善公產歲收租息以資院用此亦院中入款之一端故備誌之光緒戊戌變法改時文爲策論次年鎮紳劉錦藻蔣錫紳李維奎創議就院中常課外兼課經史時務策論聘山陰湯壽潛掌教經費則於濬河捐每絲包捐洋三角稟請展限三年以一角歸團防以二角歸院用自壬寅改書院爲學堂而此課遂輟

徐有珂創建潯溪書院記

文見碑刻

邵棠等公稟具稟邵棠陸長春等爲逆產奉斷充公叩請

押令具結事竊潯鎮僞職張竹香房屋前經縣主金斷爲入官公產舉人等於上年閏五月日公同具呈籲恩請將該屋作爲本鎮書院義塾及善舉公所之用蒙憲批准如所請在案本年五月間僞職張竹香經南潯分府緣案拿獲移解郡城該僞職爲髮逆牙爪毒害鄉閭惡跡多端自有身受者呈訴聽候憲臺明斷舉人等不敢與聞惟前奉斷充公之產恩准作爲書院暨各善舉公所逆產歸公咎由自取而書院義塾實爲造就人才啟發童蒙必不可缺之所明刑弼教允協輿情現張竹香緣案在押合亟環叩大公祖大人飭令當堂具結給示勒石以垂久遠實爲德便再此屋現設釐局俟將來撤局後歸爲書院善舉公所

一切條款章程再行呈請憲定合併呈明戴德上呈同治四年五月附錄沈鏡漣稟府縣批詞

府批據沈鏡漣稟年業經稟縣在案茲該鎮公議將此房屋作為書院及義舉之用請示樹案給示等情該紳等誼敦桑梓培植士林洵堪嘉尚自應准如所請其書院善舉一切章程條款仍由該紳等公議開呈具核給示務祈悉臻妥善可垂久遠是為至要切切

縣批現奉府憲札查候即錄案詳請示遵一面飭取沈鏡漣甘結備案抄批附又錄同治九年蔣堂等公稟蔣堂朱養誠邵棠閱觀瀾稟為遵斷繳價即請飭弔單契樹案申詳事竊南潯現駐釐局房係偽職張竹香之產於同治三年間為沈鏡漣控告串賊擄搶案經前縣主金斷給歸款沈鏡漣即呈請助公作為書院及各善舉公所歷奉前府縣憲批准在案惟查張竹香尚有胞弟張墅香未經分析應得一半未便一例入官本年三月間前縣蕭親莅開課復奉批示斷繳制錢五百千以給張墅香產一面飭弔張氏單契為此遵斷繳價伏求憲公祖俯賜恩准樹案申請並飭傳張墅香遵領產價呈繳單契以惠士林而垂久遠謹稟

明理學塾 光緒二十六年里人李惟奎獨力捐貲賃屋開辦

學制為高小學凡三年此為潯溪有學校之始

潯溪公學 光緒二十七年里人龐元澂獨力捐資建築校舍

於東柵上塘懼字一圩規模宏大學制仿日本中學四方來學者甚眾未及三年而中輟

正蒙學塾 光緒二十九年里人張熙獨力捐資賃屋開辦學

制為兩等小學凡四年而輟

潯溪高等小學校 在馬家港光緒二十八年里人公議即書院改為之向有講堂三楹中供至聖位左為膳堂右為賬房後進樓房仍舊左廳事改為樓前庖廚三間亦改為樓北向而移庖廚於門房樓上為教習學生辦事人臥室樓下闢三講堂左旁隙地數分為體操場稟縣定為兩等小學堂校長

一人中文教習二人西文教習一人舍監一人庶務一人就書院原有經費益以絲捐每包提洋角半合共二千餘緡歲丁未另籌紳富捐一千餘緡而三十四年第一第二小學成立因改兩等爲高等小學校爲第一第二兩小學之升階高小畢業者送入郡城中學堂肄業

第一初等小學校 在東柵洗粉兜就慈蔭庵爲之先是庵僧犯戒律鎮人逐之稟縣封閉戊申春改爲初等小學校畢業者升入高等小學校肄業經費取給於茶盃捐約一千餘緡房屋宏敞爲鎮上各學堂之冠

第二初等小學校 賃民屋爲之於戊申秋間成立經費於煙膏捐內每月撥百元爲初等小學校畢業者升入高等小學校肄業宣統庚戌年又附設簡易學塾

西北初等小學校 就北柵西木巷萬善庵爲之先是戊戌歲有改庵觀爲學堂之議庵尼恟懼因將庵西偏房屋助入師善堂是爲該校基址經費僅取給西北惜字會餘款規模甚狹光緒丙午年稟縣立案

潯溪女學 在東柵原有潯溪公學基址光緒三十二年里人張熙等設立凡二年而輟

南潯志卷四

河渠

里人周慶雲纂

潯溪 宋談鑰吳興志云潯溪在烏程縣東七十二里有水自德清嘉興來與震澤鴛脰湖接焉明一統志云潯溪自運河東流與震澤鴛脰湖相接今德清諸水自南來運河自西來北入太湖東入鴛脰湖然則運河及南北市河皆古之潯溪也

汪志按沈登瀛備志云祇園寺莊田記云有溪曰潯在潯之北有寺曰祇園然則潯溪即今之運河也文莫古於是當從之若以嘗三中圩之帶水當之毋乃與茗雪諸溪不類乎

明吳國倫行經潯溪奉懷尚書學士董用均先生楚客蒲帆震澤來南潯甲第錦雲開懸輿萬木尚書里載筆千秋

太史才卧穩客星成水石丹還紫氣結蓬萊經過不淺追
趨意病骨龍鍾倘見猜

明余津潯溪漁唱二首溶溶流水曲溪晴兩岸桃花溪上
生楊柳拂頭推不去黃鸝連叫兩三聲 蔡蕩天孤碧四

垂雨晴正好放鷓鴣沿河十里錦雲爛紅藕花香拂面吹
明葛一龍潯溪對雨市斷溪聲遠橋迴野色荒吹來數點
雨相送一孤航漲綠平官渡烟黃拂女桑隔花僧共語東

去是錢塘

董志林曉發潯溪將至苕城蕭寺疎鐘霜外傳荻花楓葉
散平川雲連野色人迷渡風送秋聲獨放船樹裏漁莊聞
曉汲橋邊蟹舍見炊煙忽聞采采菱歌起徐孺山頭酒旆

懸

董熈潯水秋漁曲南江秋來三尺深水經注南江支分歷
烏程縣南通餘杭縣

與浙了了游魚躍碧潯
江合了了游魚躍碧潯
音 潯南潯北楓欲稀杪秋遙夜來漁磯澄潭列火挺义

入月落烏唬船始歸

又吳船曲南江東下曲子巴茗雪西來襟帶斜一樹秭歸
三月暮疾風吹雨漲桃花 春事愁中與病中碧潯溜雨

一村風宋元名利麻姑字咫尺輪他折屐雄

范錯潯溪紀事詩佚志殘碑尚可稽當時沿革未全迷菰
城古邑三唐後誰識南林舊有溪 鎮戍監官古制存萬
家烟火聚雲屯太湖水利關民政安定齋空孰講論 十

里桑陰水市通家家門外白蘋風五湖狂叟西村客愛作
潯溪老寓公

沈謙潯溪雜憶詩欵乃聲中暮復朝家家水閣泊輕橈潯
溪賸有閒風月盡在彎環兩石橋 兩點青山似畫圖一

溪碧水勝醞醜段家橋外遙相望葉葉風帆到太湖
紀汝霖潯溪道中口占喜泛潯溪棹黃梅天獨晴浪迎雙

槳健風蕩片帆輕鷺立橋梁溼人歸渡艇橫一篙新漲綠
處處插秧成

潘翥潯溪道中水氣蕩荷襟扁舟漾碧潯凌波容散髮得
句且長吟山遠晴雲淨江空樹影沈西風一蕭瑟薄靄忽

成陰

石溪 分小圩西南來水東流經化人橋至紀氏祖墳前為仙

液潭又東經秀水橋轉北入紀家壩港

墨溪 運河南岸第五支港今名馬家港上承薛家漾水南流

轉東出長生橋轉北為墨溪范莊灣港東南來注之又北經
明德橋東分南小兒過朱少師第前東分北小兒又北出馬家橋入東

市河在志按墨溪之名明時已有之范志云康熙間張肩畫竹洗硯於此故名非也

董斯張初夏楊柳陰濃醉碧烟一溪不雨不晴天水樓處
處凭紅袖吳下新來茉莉船

張鑑潯溪棹歌蠟殼紅窗水閣邊墨溪初漲碧于煙杏花
衫子鷺翎扇倚檻閒呼茉莉船墨溪即馬家港盛夏多集花船董斯張詩水樓處處

凭紅袖吳下新來茉莉船是也

李世伸潯溪棹歌墨溪開徧戰場花寥落人家隔水涯指

點頽垣荒草裏當年曾是相公家朱文肅故里在墨溪

周慶賢墨溪訪友未遇舟次口占風急扁舟渡曲江曲江即石

澗在墨溪之南蓼花隨雨入船窗櫓搖界破中流水驚起蘆邊白

鷺雙 墨溪初漲碧於煙正是風寒欲暮天黃葉踏殘人

不見卻看塔影落篷前

鷓鴣溪 南市河西岸第二支港即蔣家橋港上承藤里潘家

埭西南來水東流經義塚橋北分談家灣至八十畝圩與朱家板

橋南來水會又東北分平橋港迤南經斜橋為鷓鴣溪又東至豐

草庵前折而南流支流東出為新開河鷓鴣溪又南經萬古

橋西分祁家兜即挂瓢池轉東迤南西南分麻皮兜又東出蔣家橋入南市河

姚石春日晚步至鷓鴣溪不耐市喧雜尋幽到竹林橋低

春水漲徑小麥苗深野鳥投烟樹漁罾曬柳陰斜陽容小

立溪口好閒吟

曹仁虎潯溪竹枝詞鷓鴣溪水碧漣漪暇日宜教小艇移

有約招提茶話去枯苔手剔宋元碑

張鎮鷓鴣溪春望不定經行路平橋帶斷磯野花臨水發

江鳥破烟飛淨土閒相訪遙山晚更微漁舟何處唱余亦

詠而歸

又潯溪漁唱阿儂家住鷓鴣溪不見鷓鴣溪上嘯只有曉

寒樓外月夜深還照夢華西

紀磊鷓鴣溪鷓鴣生住鷓鴣庵名氏還須仔細參不為落

花啼不住觸人愁思在懷南

張文元南溇竹枝詞幾折清溪架石橋沿隄楊柳曉風搖
鷓鴣新製蕭孃曲合付漁郎紫玉簫

徐咸安初春野步一灣春漲碧沄沄信步溪邊遠俗氛得
暖水田猶漠漠向陽卉木亦欣欣梅花渡古無遺跡豐草
庵荒有夕曛忽聽西村漁唱晚歸來薄醉未成醺

蓮溪

在東柵薛家漾東俗名荷花池頭

董懋昭蓮溪吟稿序節錄溪方可二畝許中多蓮故以蓮名
之溪上大宅先王父芝筠先生故居也王父退老此溪之
上憶自垂髫上學每晨隨諸兄後詣王父書室則咸屏息
徐步雁行立拱揖而退不敢妄出一語昭冠偶墮地王父

亦莞爾而笑不之責也迄今二十餘年來課諸弟妣于溪
側則吾家已日就衰落不復昔時景象溪北故有槐二株
今僅存其一兩岸垂柳成行今亦變爲桑畦菜圃矣

董友松蓮溪夜步蓮溪風月夜夜靜石堂清月照溪生影
風迴蓮有聲香沈忘鶴夢蛩怨冷鼃更烟霧青冥處蕭然
碧玉京

董熄過蓮溪有感示舍弟鑑平繡原五柳先生早決幾人
亡剩有柳依依稚孫曾奉掀髯笑揖罷私懷退筆歸衣
得新荷牽伴侶籠他蟋蟀鬪輸贏溪邊長憶兒嬉事三十
年來半死生

又過蓮溪追憶鑑平圓荷碧一池小樓踞其上昔君來授

經安貧任疎放余亦時時過澄懷對新漲人靜魚不驚風
清柳輕颺每指釣遊地兒嬉非一狀荏苒三十年爲師各
顏抗吾衰早積唐而才與齒壯方當絕塵奔秋駕不可量
何意偶西征存沒頓悲愴化鶴不復歸援琴怨孤唱行跡
綠苔間獨尋何所向

董恂潯溪棹歌不村不郭占清幽水閣窗開面碧流吹得
薰風纔幾日白荷花放滿池頭

瑤溪 在北柵外姚田

吳山秀瑤溪八詠環水茫無際渾疑一島孤祇憑雲作岸
絕少路通衢辛苦營巢燕飄零逐浪鳧心安隨處好鹿豕
盡吾徒 荒墟唯鳥集窮巷少人行隔岸雙橋跨虛舟一

渡橫女編蘆代織農種水爲耕難得村醪熟常時醉不成
北尋雙塔寺南望兩河橋宿雨片帆重平波三里遙秋
淤穿荻筍春漲沒菱苗蓑笠吾方辦不辭漁父邀 干帆
來北渚一鏡宛西湖量水分菱芡開門放鴨雛盤餐魚市
集烟雨米家圖合有元真隱棲遲興不孤 亭前誰載酒
橋畔自提壺屋北雙峯翠牆東半畝蔬與花分主客聚石
當生徒永日消書卷眞成槁據梧 斷港孤村僻通波十
里周蘆中人在水岸上屋牽舟霜月哀鴻雁沙汀狎鷺鷗
雙扉終歲掩蹤跡絕羊求 叢祠簫鼓沸傀儡舞偏工南
時演木偶戲以酬神時聽迎神曲難回佞佛風陳牲集漁父散社醉
村農利市邀三倍空嗟吾道窮 不成行列樹自落子開

花草辨君臣藥藤延子母瓜瓦盆長貯酒蔬譜足傳家五
日花豬肉臨溪喚小艇

王樑爰田有懷張瓜田蒼茫雲氣擁層樓對酒如何轉得
愁十里波濤侵短髻一天風雨入高秋綠蘿門外無過轍
紅樹村西獨下鷗傳語蓴鱸漫登饌天涯猶有未歸舟

淤溪 在南柵外藏穀橋

董漢策菩薩蠻淤溪歸路似雨如晴猶未雨風光搖漾愁
千縷鐵笛破蒼煙天邊一鶴還 秋生雲外樹信步隨秋
去牛背曲聲新南陽高卧人

又前調次日乘風復至淤溪似此長風能萬里濤聲吹送
秋聲起漠漠水雲天蛟龍挾我船 人隨帆影動拜舞千

花湧只此碧流中應知江漢同

芳溪 在西柵外方丈港綿亘一里許迴環廣百餘畝四周有
隄雖無舟楫帆檣之利而饒魚鼈螺蝦之產農田灌輸惟溪
是賴

運河 卽東西二柵市河每歲漕艘必由於此其源有二一自
峴山漾分流至定安門外繞城而東一自城內霽溪分流至
駱駝橋南過望州橋出迎春門俱達二里橋合爲一河東流
六十里至東遷村自東遷而東其南岸支港爲白米塘挑水
灣北岸支港爲十里橋九里橋六里橋等港南北交綜分合
不一又東至三里橋支流北出爲三里橋港運河又東過西
東二壩口入南潯鎮西柵爲西市河過營汎前祇園寺前支

流南出為西倉港北出為永安橋港又東經垂虹橋東南流過米廊下紀家壩港西南來注之又東與南北市河交錯為十字港又東為東市河經通津橋過董宗伯第前通判署前南分船皇御河南來注之南分倉潭又東經洪濟橋百間樓港北來注之又東馬家港南來注之又東過東總管堂前出東柵南分三楊畝兜又東過極樂庵前出分水墩為東塔灣過撞塘壩口入震澤縣界又東曹村西港南來注之又東曹村中港南來注之南市河東出支水東北流而仍注于運河者至此盡矣按水道源流並據里人紀南枝所著潯溪水道攷後仿自此而東至半路亭其間南岸支港則有曹村東港盛家壩港外墩港北岸支港則有駟馬橋港曹村北港亦南北交綜分合不一又東至安慶橋支流南出經應天寺巖墓市入

嘉興府秀水縣界運河又東至震澤鎮又東過雙楊梅堰至平望鎮入鶯脰湖與嘉興南來運河會東柵外自分水墩至平望凡塘南北諸漾蕩支河皆泄水歸東要道雖地屬江南其通塞皆關湖州水利唐元和中荻塘河水瀦淤逼塞不能負舟刺史薛戎濬之百餘里董志范志並云運河時或旱涸鎮民開濬汪志按此是民間私事若漕艘攔淺開濬運河事固屬官不屬民也乃載入志中幾疑民濬為定例矣慮貽將來徭役之擾故特辨之曹仁虎潯溪竹枝詞雁渚鷗沙足水痕陰陰桑柘接曹村西來一夜茗溪漲碧玉春流直到門董蠡舟潯溪棹歌運河橫貫市心中南北支流屈曲通畫舫千家夾明鏡石梁三道卧晴虹董恂潯溪棹歌于頔塘長遠岫青西天目水此由經桃花

三月春波暖綠過江南半邏亭

皇御河

運河南岸第四支港

按第三支港即南市河別見後一名御河一作

王御河本名黃泥河分薛家漾水北流

汪志按俗說宋高宗至此故名舊志

北出醬園橋入東市河

汪志按俗說宋高宗至此故名舊志

未當也本作黃泥為是或云當為惶五河其東岸即惶五圩猶北柵外之拜五港稽五漾南柵外之簡五塘也說亦可通

范鐸潯溪紀事詩鐘敲野寺留神馬春到梅林說異蛇羸

得居人長歎息御河愁照月痕斜

勞鉞府志建炎二年高宗南渡至潯懼追者見帝舊封康王今褒能寺俗呼康王寺以帝經過名也湧幢小品鎮西北可十五里曰梅林中有大梅樹一株可設三衝水昂首而至眾魚尾之日以爲常若有意者高宗舉筆題其首作小畫泣下懷之而去至鎮南五里古寺宿焉今大橋下常有巨蛇橫亘如木舟礙不得行又居人數逢于

路兩眼如燈火見頂上有康王二字又或蟠于市樓上第不傷人人既數見亦不爲異蓋其時人烟尚稀最初高宗過之乃一荒落見草庵景致不覺留連今聚且萬家人物日盛蛇亦非容身之所老者死幼者不及聞離人口角且五六十年天下大矣何所不有姑記之亦潯鎮一異事也研北居瑣錄史載高宗南渡建炎三年二月帝至鎮江宿于府治翌日召從臣問去留是夕發鎮江越四日次平江又二日次崇德遂如杭州攷此則過南潯之說謬矣勞志褒能寺與嘉應祠既溷而爲一且嘉應祠咸淳六年敕建建炎二年烏得見此廟額又聞諸父老曰皇御河舊名黃泥河因有高宗南渡過潯之說遂相沿傳會云異蛇神馬傳說紛紛不足信也

南市河

上承簡五塘港北流入南柵爲南市河支流東出爲

白鸞港市河又北蘇露港西來注之又北支流東出爲虹映

港市河又北經南新橋支流東出爲竹園港市河又北經南

安橋鷓鴣溪自蔣家橋西來注之支流東出爲鳳凰河市河

又北經華家橋鷓鴣溪自新開河西來注之又北經興福橋

西分寸又北經張王廟橋支流東出為定心港市河又北與

池潭城壕及司前港交錯為南十字港又北經便民橋又北出泰安橋至十字港與運河會

北市河 分運河水自十字港北流入清風橋為北市河又北

支流東出為後河市河又北經太平橋西分唐家兜又北經鹽店

橋又北經柵椿橋與西木行港及百間樓港交錯為北十字

港又北過北姚家匯潯溪河西來注之又北經北新橋東分小兜

至董氏祖墳前彩虹橋港西來注之支流東出為下壩港市

河又北出北柵與古瀟港接按北市河自北十字港以北即為古瀟港

後河 北市河東岸第一支港一名藕湖分北市河水東流入

天帶橋又東南分愛蓮池小兜經淨波橋又東迤南為栲栳灣經官

房橋轉東出聞潯橋入百間樓港

新開河 南市河西岸第三支港明董氏所開分鷓鴣溪水東

流出鷓鴣橋入南市河

董恂潯溪棹歌新開河畔幾人家野徑栽桑復種麻豐草

庵荒已無主爛堆黃葉似袈裟

鳳凰河 南市河東岸第四支港分南市河水東流入鳳凰橋

迤北又東出毛家橋入木瓜漾

潯溪河 北市河西岸第二支港分營三圩西港水東流出潯

溪橋入北市河溪小水曲下有泉穴水極清澈取以釀酒最

清冽潯酒因以得名汪志按此河明時始開通而冒潯溪之名實非古潯溪也

姚景熹夜過潯溪河晚晴秋已暮積雨漲溪痕雲淨江天

遠烟凝草木昏暗蒼吟古墓寒月弔荒村四顧無人跡淒

淒欲斷魂

董懋昭早行溪上寒雲曉日尙蒙籠疎樹遙村淡似空忽

悟西風夜來緊枯萍盡聚板橋東

張樹培潯溪河潯溪溪畔徧桑麻溪上人家傍水涯釀得

黃柑霜後酒晚風輕颺一帘斜

西倉港

運河南岸第一支港分西市河水南流入沐鳳橋西分

沐鳳

又南經鳴鳳橋又南出壩橋入紀家壩港

紀家壩港

運河南岸第二支港上承簾里褚家埭談家灣二

港西來之水東流至補船村與平橋港南來之水相會北流

至小圩西南分爲二直北而轉東者爲小圩後港轉東者爲

小圩前港

東分南兜

前港轉北與後港合支流東出爲石溪又北

轉東爲享亭灣過西莊村經鍾家橋與石溪水合爲紀家壩

港又東西倉港北來注之支流東出爲城壕紀家壩港又東

經楊家橋

南分白鵬兜

迤北經天到橋

北分鳳池

東北流出豐年橋

入西市河

三里橋港

運河北岸第一支港

按運河西來支港甚多今取距鎮最近者爲始分運

河水北流入三里橋又北過裴莊方氏祖墳前與塘田圩港

西來之水相會又北經眾安橋分流向北者爲方家港轉東

者爲福積港

永安橋港

運河北岸第二支港分西市河水北流入西弔橋

又北經小弔橋

西分妙境庵兜

又北出永安橋與嘗三圩西港接西分

琵琶兜即合流東出為西木行港入北市河

百間樓港 運河北岸第四支港按第三支港即分北市河水

自北十字港東流入蓮界橋又東迤南經長板橋又南後河

西來注之東分洗粉兜又南出東弔橋入東市河北市河東出支

注于運河者至此盡矣

方熊潯溪竹枝詞參差闖闖壓溪流長板橋連洗粉兜夾

岸珠簾風宕漾春波影泛百間樓

董攀龍潯溪竹枝詞傍水千家斷復連小樓一桁碧窗懸

娥娥紅粉齊當牖新到姑蘇茉莉船

張文元南潯竹枝詞百間樓住百人家一水清漣繞檻斜

莫怪賣花船競泊樓間少女盡如花

簡五塘港 卽南市河之上流一作甲午塘港上承馬要塘西

南來水東北流過池亭漾合神墩塘南來之水迤北而東為

七里塘迤北至大洪村經丁家橋轉東經康王寺橋分流向

東南者由四方蕩入沈張漾向北者為簡五塘港紀南枝曰

烏鎮北息塘之水北流至穿珠灣由大洪村康王寺橋入簡

五塘因穿珠灣在大洪村東南比近故也實則簡五塘所受

皆屬幹河之東北流至烏鎮之北流不獨不能由穿珠灣西

北流入大洪村抑且分七里塘之水由穿珠灣東南流入

沈張漾水性惟順是簡五塘港北流與蔡蕩自豐橋西來水

適可目驗而知也會西分豆腐兜又分高基兜又分許家兜東分硬漲橋又北

港通划船漾又分閔塘兜一作閔堂兜又分華家兜與南市河接

張鑑潯溪棹歌霜花曉撲漉魚籃白韭紅薑食譜譜簡五

寒塘秋水闊漁娃處處喚螺蚶簡五塘多集漁艇

沈金渠甲午塘今是庚寅日來過甲午塘荒城尋太尉野廟拜康王艇小瓜皮泛村深竹影藏陰晴天氣半節候已

梅黃

蘇露港 南市河西岸第一支港上承箋五圩南北二港之水

其南港上承鳳凰蕩南來之水北流轉東至唐家匯與蔡蕩

南來之水相會而北經麻涇橋西分長兜又北為邵家蕩轉東經

洞賓橋轉北為善田灣又北與北港會其北港上承滕里方

家埭西南來水東流北分朱家板橋港為北水港經北水港橋北分曹家

兜迤南又東與南港會為蘇露港北分耀糠兜東流出蘇露橋入

南市河

白鸞港 南市河東岸第一支港分南市河水東流入百老橋

迤南又東過潘氏祖墳前迤南又東南分南喜兜分流向北者為

渡船港向東者為尤家港

虹映港 南市河東岸第二支港分南市河水東流入虹映橋

又東為黃家蕩東分虹映兜轉北出師古橋入竹園港

竹園港 南市河東岸第三支港分南市河水東流入醋坊橋

至張處土墳前與虹映港南來水會繞墳而北西分壽慶庵兜又北

東分南林池及孫家兜至嘉應廟前為木瓜漾東分華家兜鳳凰河西來注

之轉東經王家橋為石澥屈曲而東名曲江又東至朝眞堂

前支流北出為范莊灣港曲江水又東支流南出至磧沙寺

後與渡船港南來水相會而東為懼三圩南港曲江水又東

經八卦橋南分小兜又東經秦庵橋又東轉北東分褚家兜又北西分韓家

兜轉東為玉成灣北分烏朋兜一作烏盆兜經朱氏祖墳前又東支流南

出為懼三圩東港北分撞塘壩港壩南有麻皮漾曲江水又東入震澤界又

東轉北為曹村西港又北出木橋入運河

定心港 南市河東岸第五支港分南市河水東流入定心橋

至廣惠宮後南北分流南流經花園橋為勝義庵兜北流入

司前港

司前港 南市河東岸第六支港即東交界壩港分南市河水

自南十字港東流入東交界壩橋又東經會際橋又東定心

港南來注之又東為薛家漾分流向北者為皇御河向南者

至城隍廟後轉東南分小兜出長生橋轉北為墨溪並北入東市

河

西木行港 北市河西岸第一支港永安橋港與管三圩西港

合而東流為西木行港又東至北十字港與北市河會

彩虹橋港 北市河西岸第三支港亦稱北潯溪河分福積港

水北流入彩虹橋轉東至竹篠匯入北市河北市西隅諸水流注市河者至此盡矣

古渡港 即北市河之下流一名鼓樓港北流出北分水墩西

李家河自南車駕橋來會又有橫古塘水自北車駕橋來會東分箬帽橋港又分匠人灣又分斜河並通湖基漾

經北迴橋東分樓下新橋港又分冉莊港又分姚田芋葉灘入震澤界又北達稽五

漾或東或北支流歧出由各渡港入太湖

下壩港 北市河東岸第三支港按第二支港即百間樓港已見前分北市河

水東流南分董墳兜又分南姚家兜又東北分金經梅家橋至新庵前南

地心折而北流轉東入震澤界支流歧出東入泮溪北入稽

五漾

十字港 在中市通津橋西清風橋南明月橋北運河與南北

二市河交午相貫處

曹仁虎潯溪竹枝詞港汊縱橫盡水鄉菱歌隱隱起迴塘

清風明月何曾改依舊雙虹跨水長

董載昌潯溪竹枝詞市樓燈火映波紅十字中分處處通

一水盈盈不得語郎家明月妾清風

南十字港 在南柵便民橋北東西兩交界壩橋之間城壕西

來司前港東出與市河交午相貫處

北十字港 在北柵柵橋北蓮界橋西西木行港西來百間

樓港東出與市河交午相貫處

渡船港 白鸞港水北流為渡船港經渡船橋至袁孝子墳前

東西分流西流者轉北西分紀至磧沙寺右按此處本通東

流者轉北與曲江水支流自北來者相合而東為懼三圩南

港

尤家港 白鸞港水東流為尤家港南分泥經尤家橋南分孟

又東懼三圩南港北來注之又東入栗樹港

懼三圩南港 渡船港與曲江水支流合而東流過尤氏祖墳

前轉南入尤家港

栗樹港 烏程震澤東西分界一作力持港南接划船漾經莊

思壩橋北流與尤家港西來水會又北經栗樹廟橋又北與

懼三圩東港水會為栗樹蕩一名小蕩東流入震澤界為橫港又

東轉北為水斗注又北轉東為曹村中港轉北出樹滋環橋

入運河南市河東出支水止此

福積港 上承三里橋港南來之水東流過小橋村北分馬家兜又分東

港丁家又東為白漾北分潘家兜又紅牆橋港又東經福積橋南分菜花兜又

東北分莫家灣過姚家灘南分戴家兜南北分流北流為彩虹橋港南

流為嘗三圩西港

嘗三圩西港 分福積港水南流支流東出為潯溪河嘗三圩

西港又南東分朱墳兜與永安橋港接合流東出為西木行港

范莊灣港 分曲江水北流入曲江橋西分小兜西北流過范莊灣

入墨溪

懼三圩東港 分玉成灣水南流轉東折而南流又轉東入栗

樹蕩烏程震澤東西分界

蔣家港 無攷或云在南柵蔣家街後河故今呼補船橋為蔣

家橋

紀官蔣家港夾岸陰濃柳似幢小橋流急水淙淙扁舟逆

上櫓無力篙足驚飛布穀雙

城壕 南市河西岸第四支港即西交界壩港分紀家壩南出

之水東南流東分紀氏南園池迤東南分小兜北徐家漾出西交界壩橋至

南十字港與南市河會南市西隅支水流注元代築城時南

面偏西之壕也亦名城隍上注志按城四面皆有壕惟此處

攷之城壕轉北通西倉港西南面之壕也司前港自薛家漾

通馬家港東南面之壕也百間樓港東北面之壕也西木行

港轉南通永安橋港西北面之壕也因是推之東弔橋西南
洪濟橋為東水門西弔橋東南垂虹橋為西水門北十字港
南柵橋為北水門南十字港北便民橋為南水門
而中市十字港則為城心也城之遺跡約畧可知矣

董燧吳船曲不復嘯烏棲女牆長烟冪厯舊城隍斷橋流

水春畦綠閒殺羅敷陌上桑

楊鳳苞城濠覽古廢隍尚見黑雲屯歎息三興破楚門錢

淑錦衣空內屬尉陀左燾漫稱尊白駒北夢舟中夜黃葉

西風水外村當日羣雄總安在野烏嘯上女牆昏

董攀龍潯溪竹枝詞斷垣殘礎沒藜蒿陳迹流傳雉堞高

割據英雄今已矣夕陽仍下古城壕南潯城張士誠建明
洪武初拆修蘇州城

丁源故城壕溪迴徑仄似羊腸荒草堆邊舊女牆村豎牧

牛殘照裏空留遺廟說張王廣惠宮一名張王廟
或云卽元張士誠也

紀磊城壕石橋南去古城壕酬唱當年有二豪一卷清歌

誰省識野花映水自蕭騷殷赤珠沈心怡同
居城壕有唱和集

李世伸潯溪棹歌吳山越水重邊防太尉城餘夕照荒有

客大隄來走馬興衰舊事話張王元末張士誠
築城於潯

石澥在南柵以北岸有眠牛石得名一名曲港一名曲江一

名九曲里

董蠡舟潯溪棹歌一棹延緣石澥過華園秋晚起菱歌遠

偏廬圯生綃斷古木叢篁畫意多石澥菱歌為
十景之一

董恂潯溪棹歌石澥灣灣九曲環村娃打槳采菱還清歌

唱到斜陽暮秋老漁汀鷺激間南潯十景有
曲江菱歌

李世伸潯溪棹歌蓼紅葦白水微波小艇沿洄石澥過依

約芳塘風起處有人低唱采菱歌

蔣錫綸潯溪竹枝詞小艇瓜皮喚欲磨花花葉葉碧波澄

煙籠石澗歌聲歇俊味新嘗沙角菱

周家漾 在北柵外後築爲卧塔

稽五漾 在北柵外震澤縣界一作居吳漾一作軍吳漾一作

金魚漾一作雞魚漾荻塘以北諸漾稽五最大汪志按或以

爲吳王屯兵處無據蓋在稽五圩之北故名漾地屬震澤而與烏程接界漾南之稽五圩屬烏程又爲潯鎮諸水下流故仍載

明董說軍吳漾秋漾荒荒白軍吳事杳茫詩緣隨窄艇風

信委枯桑泥塔雙橋串驚濤破寺當因之話黃鶴樓勢等

孤翔

釋正提泛軍吳漾一霎孤村烟裏過數圈嫩綠插靈籤遠

山雲迸離奇翠一幅瀟湘畫裏添 艣勢托開雙燕尾鴨

頭撐出蓼花汀長天皎潔無渣滓秋水相連別樣青

紀官雪後舟行軍吳漾何須更築望山臺縹緲羣峯盡載

來漾口幾枝無葉樹村梢一角欲開梅莊巖野寺俱瓔珞

珍重寒爐撥冷灰放鴨船邊冰未解竹篙攔陣忽然回

紀端軍吳漾扁舟湖上憶鴟夷折戟苔槍遠莫追堪笑吳

儂真短淺爭看畫舫載西施

董渭十七夜軍吳漾泛月寄文若中秋把酒書樓上今宵

又泛軍吳漾一葉舟從鏡面行絕勝醉卧梅花帳人生到

處類飛鴻雪泥爪記常飄蕩漁燈閃閃遠岸明蘆花片片

秋空颺恍如萬頃碧玻璃水色天光兩清亮前途極目杳
難窮自在中流頗蕭放扣舷揮槳歌滄浪聲散淒風隨野
曠夜來露重浴蟾蜍天公眸子無纖障此時安得謝元暉
彎跽篷底相酬唱

董載昌尋溪竹枝詞居吳漾畔徧菰蘆蟹斲漁標不納租
此去太湖無十里眾船聘得陸家姑

董蠡舟潯溪棹歌北匯秋深蘆絮殘星星蟹火照波寒居
吳漾口移舟宿十輩尖團供晚餐

拜三漾 在北柵外三里古漚港東俗名湖基漾

薛家漾 在東柵司前港西來皇御河北出東接蓮溪南通墨
溪十字交匯下有泉穴水極清深亦稱雪漾

木瓜漾 在南柵嘉應廟前

徐家漾 在南柵白鸚兜南

划船漾 在南柵外三里簡五塘東烏程震澤東西交界

瀏盆漾 在南柵外四里簡五塘東

沈莊漾 在南柵外五里四方蕩東漾東岸屬江蘇省周十餘
里相傳明沈萬三所居近此故名

穿弓漾 在南柵外七里雙月灣東

池亭漾 在南柵外七里村西或云卽淤溪

紀端還至淤溪池亭一棹歸來醉似泥漁罾蘆葉點秋溪
丹黃隱約疎林裏欵乃聲中日已西

褚家漾 在西柵外九里

碟子漾 在西柵外東莊港東

江蔣漾 在西柵外楊灣口

蔡蕩 在南柵外二里簡五塘西一名草蕩漾 按鎮東北有蔡家蕩屬震澤界

與此別

明董份夏日與諸君避暑蔡蕩漫擬當年河朔遊偶攜佳
客放扁舟天高月上夜如晝水闊風多暑欲秋簫管拂雲
來別墅酣歌達曙傍中流若知世外須臾樂肯羨人間萬
戶侯

明董嗣成紀子達子修昆仲夏夜相邀蔡宕玩月醉後放
歌青松軒下微雨收清風六月涼如秋明月斜銜碧雲裏
赤日半落西山頭主人不辭酒百斛清宵擬作乘槎遊乘

槎蕩槩出村口小溪夾道垂楊柳侍兒初返採蓮船玉腕
纖纖進新藕擊楫行歌出畫橋紫簫曲曲度蘭皋蒹葭風
靜湖光白星文不動青天高青天倒映湖光裏鮫人龍女
聲嘈嘈散髮一呼數斗盡河朔空復稱英豪千年劉阮已
寂寞卽今此樂輸吾曹尊中已空不足恣酣暢又有輕舸
送新釀中流宛轉夜未央狂來大嘯踏高浪相逢總是高
陽徒此時不飲何爲乎青春一去不相待富貴可得常在
無浮生碌碌竟何事雙鬢辭我先凋枯飲君酒爲君壽惟
願清風明月對金尊與我相隨同白首醉眠不知天地復
何處但見星辰歷亂在我手

又十六夜與諸君再集蔡蕩得城字雲垂一曲鑑湖平乘

興重來此濯纓五夜霞光飛別嶺千家秋色澹孤城輕槎
忽動星河影尊酒高懸薜荔情若向靈臺占象緯真人今
已奏東行

董蠡舟潯溪棹歌老漁吹火水中坻西莊村邊晚飯炊瑪

瑙四垂天澹沱雨晴蔡蕩放鷓鴣明余津潯溪漁唱詩蔡蕩天孤碧四垂雨晴正

好放鷓鴣

蘆蕩 在簾里西南

黃家蕩 在南柵師古橋南

四方蕩 在南柵外瀏盆漾東南

淺蕩 在南柵外沈莊漾南

蓮花蕩 在南柵外眉月灣北

荷花蕩 在北柵外駐越灘南

白果潭 在西柵朱家墳前

仙液潭 在西柵紀氏秀水墳前亦名半月池潭底有三泉涌

出如品字每歲十月朔鯉魚集此里人網取頗多

夢華潭 在南柵本名秤錘潭亦作寸池潭明董說居此改名

按舊志皆作硯池云相傳梁昭明太子讀書處附會無據

明董說行藥夢華潭口吟立西南角潭秋雲亂生浦思前

夜釣樹露別村晴記補竹籬缺私拈客句評醉漁歌正好

再轉後溪行

又夢華潭卽事用非翁疎字韻白豆花陰藥杵疎閑忙爲

曝舊藏書浮名徒益九重障草木曾參七不如秋園縛帚

難供埽石壁纏藤合受梳擬鑿小溪通釣艇從教野史補
河渠

又夢華潭謠鷓鴣生貧而嗜書一日過南宋舊本紙墨夢

華潭口石齒齒枯柳身敲拜秋水夢華潭泊鸞書舟客望
殘陽立柁樓立柁樓見書屋菊籬中人抱書哭

方熊潯溪竹枝詞一泓淨綠水柁藍牛飲荒汀百不堪莫
借昭明誇硯沼祇今但曉科鍾潭

董載昌潯溪竹枝詞陌上花開三月三相邀女伴寸池潭
踏青無數匆匆去明日清明欲養蠶

范錯潯溪紀事詩夢華潭口晚風吹一抹殘陽柳影敲舊
事嘉隆傳韻語恍聞閒話水天時豐草庵集有夢華潭口聽客話嘉隆間大內舊

事詩
十首

紀磊夢華潭夢華潭口唱新詞補出前朝大內詩玉盃金
魚何處問空教遺老淚如絲

張文元南潯竹枝詞小小池傍桑柘幽夢華人去古潭留
而今新漲黃梅水閒看兒童浴蠶牛

夢石樓潭 在補船村豐草庵旁董說嘗夢登石樓故名

捨身潭 在南柵嘉應廟前按今漸湮塞舊傳崔李二承事自沈此潭乃里俗謬說

倉潭 在東柵明董氏所開以泊租船

西林潭 在西柵西林古刹後

范莊池 在馬家港范莊水甚清大旱不涸湧幢小品云廣十畝按今池分爲二

較小于前矣

曹仁虎溇溪竹枝詞范莊小沼碧粼粼卜宅當年種翠筠
可惜五湖輕泛去不曾同住浣紗人

董恂溇溪棹歌滿沼荷花映日紅范莊池上坐荷風阿儂

只愛池中藕多與西施臂樣同南溇十景有范莊蓮沼

鳳凰池 在西柵紀家壩港西北池盡處有二泉旁出

明華士嶠李振業移家南林鳳凰池春日過訪賦贈小築
菟裘隔市喧閒雲擁戶日高眠短牆風折梅枝瘦曲徑春
深筍稚鮮濁酒儘拌詩似白空亭堪寄草成元修篁應自
來棲鳳紫氣遙占豈惘然

放生池 一在極樂庵一在東藏寺南今並無攷一在長生寺
前亦名長生池亦名挂瓢池俗稱魚池涇荷花頗盛一在報

國寺前亦名南林池或云卽鎮學泮池也

董漢策放生社冊序錄節家倩沈子子兼集同志爲放生社
蓋欲與飛潛同保此生也

又放生弁言錄節此翁禪師與家江屏閩仙輩結放生社溇
水淪漣飛樾上下吹沫鼓翼極乎霄淵

明董斯張張泰氏於報國倡放生社欣然有賦入界曠求
我迎照藹不殊元黃自相血靡哲而弗愚居士平等慈齋
心澄物初風澤無二觀心腎爲江湖文波停晝梵鱗者還
其居解斯蕩析愍至仁消响濡中林懸日規萍藻相與舒
飛沈在天地往來於一如浩焉川上機樂我了非魚
董漢策極樂庵放生解網開籠今日意雲痕月路望中微

碧天極目升沈趣漠漠長烟鳥自飛
微波澹澹荇花新
澤國初占魚樂春傳說江淮多草食
嘯號還有路傍人

董耒塔院放生社詩為此山和尚賦
品物同天賦淒然各
性情莫將鮫室淚滴向藕花城
蜃氣連雲黑蝦瞳翦水明
濠梁圓舊社願借遠公名
澤國新波及江天夜雨深冷
他調鼎手閒殺羨魚心
鱗尾離塗炭修髻切梵音
猶將枯肆泣彈入伯牙琴

丁蟾長生池觀白蓮數弓池
匝梵宮寬玉蕊香浮露未乾
淨土一般朝涌出霓裳
萬隊夜清寒花容倒暈長
空空水色澄心止觀觀
小住渾忘炎暑逼閒鷗時
掠水晶盤

張鎮潯溪漁唱庵遺豐草夕陽斜
一曲溪橋楊柳遮若箇

幽情忘未得挂瓢池畔看蓮花

張文元南潯竹枝詞挂瓢池改小蓮莊
弔古誰知選佛場
愁絕蓮花千萬朵低頭也似感滄桑

愛蓮池 在大宗伯第內西有小兜通後河

長池 在東柵外分鄉瑾側

義井 在南柵嘉應廟大殿前明隆慶三年重開

眞武井 在北柵善寂庵內亦名七星井

張模潯北七星井記節錄余家潯之北其地舊名井臨頭亦

作井陵頭西北數武有廟數楹額曰北聖庭西檐下有井

一闌鐫八字曰坎水制火永息烽烟旁鐫小字三行曰乾

隆五十捌年吉旦信官温雲皋重開井泉住持南蓮建其

背更鐫坎水八字較前差小訪之故老曰此處舊有井七
 焉曰七星井皆不出數十武外今多湮塞莫能指其處惟
 此井獨存而重浚時曾植七星旗一桿於井上以存其遺
 復訪餘井處有言廟牆外西去數武昔有一井約畧可辨
 而余家後屋曾聞跨井而建則又為二井其餘四井數年
 來屢求不得其處余因歎舊蹟之不彰紀載闕如年代莫
 考而重開茲井者又未詳溯其顛末因謹記之

木瓜泉 在南柵木瓜漾西毛家橋北塊岸址有泉旁出

一線泉 在西柵妙境庵兜底水涸時土窟中有泉流出涓滴
 不絕水漲則隱一名竹雪泉

張鎮潯溪漁唱纔過詩橋妙境庵祇園鐵佛舊曾諳泉飛

竹雪清如許活火煎來活水甘

董蠡舟潯溪棹歌太傅祠堂枕碧川春波清淺僅通船

層炊火烹新茗斟得涓流一線泉

水利附

談鑰吳興志郡地最低性尤沮洳特宜水稻又田疇必築塘防
 水乃有西成之望潞則以車出水旱則別入水今郡境東南
 鄉分延袤百里田舊有圍塍岸歲修崇固悉為上腴畝直一
 金舊諺云諸郡旱我有岸諸郡熟我無穀今不然也 太湖
 舊有沿湖之隄多為濶濶有斗門制以巨木甚固門各有牖
 板旱則閉之以防溪水之走泄有東北風亦閉之以防湖水
 之暴漲為利浩溥後漸堙廢頗為郡害

徐獻忠吳興掌故集湖州運河東達平望幾一百二十里太湖

之水半泄其間按此以運河為太湖下流誤自運河以南諸溪港經泄之

處為民間所占日漸狹小而上源諸漾積受洪流之處漸至

填塞為蘆埂圈築為藕蕩者又不知其幾也是可不為厲禁

以防關閉之患哉 元周文英三吳水利云蘇湖常秀之田

高下不等大率低田十有其七高田十有其三吳越錢氏之

在東南專享此利蘇州有營田軍四部共七八千人又有撩

淺夫專為田事導河築堤以減水患於是歲熟錢五十文糴

米一石 元潘應武言浙西道自歸附官慮哨船入境擄掠

鄉村將河港釘斷亦有築為壩者所以水流不疾不能滌去

淤塞 忠按成化九年添設蘇松常嘉湖五府勸農通判所

屬縣縣丞各一員近復革去今世冗官理應裁省者甚眾惟

勸農官獨不可少所謂勸者專管水利以興農功者也蘇松

在震澤下流淤澱日甚吳淞江已為平陸而稅額日重加派

不息吳興居於上流其入太湖之水既為吳江所遏塞則其

南向之流所係亦甚重而圈為菱藕之蕩塞為桑麻之區日

益加多苟無專官治之其誰已哉

董斯張吳興備志方道通判平江府嘗論太湖高于運河當疏

雪川浦濶之要者庶無飢歲後湖府得其說為之果有功焉

樓鑰攻媿集 嚴訥論水利圩圖今天下以墾田當司農鉅供者

蘇松為最蘇松介在湖海厥土塗泥利害以水圩岸者所以

堤水而田即周禮稻人匠人所掌塗防者也田甚下濕岸則

陡立如城河循其外而中田焉禾在田雖芄芄起矣而河流猶出其上舟行者蓋俯而窺焉岸或咫隙莫禦而田且浦澤矣其田之最高阜去水遠而水不及溉者則終古烏鹵田在上下壤之間土厚而水深則號膏腴以其得水蓄洩可為旱澇備而所為能蓄洩者以有圩岸耳歲苦旱則河之水續枯棹而上以入于田河不龜坼田不乏溉歲苦潦則屏水出于河而岸障之雖勞人力不盡待命于天自三江道湮疏濬失宜恒雨注積而無從尾閭也水襄于岸寸許而膏腴汨為巨浸不能與下濕者論良瘠矣且圩岸之有無其利害彰彰也農民櫛沐蔗蓆罄室竭力于田而婦子懸命焉甯束手于一朝之患號呼奔走其傍痛莫之救而獨不為先事之備余怪

而究其說矣每圩田畝姑以千計田其中者姑以百計百家之中有十不協力而九十家者修築之無益也農雖值有年僅給俯仰困于澇而轉徙者眾矣宜未暇為圩岸計岸土取于田岸寬則田窄小民愚不察其損小而利大也續文獻按此無預湖事然治水者以湖治湖不若以三吳治湖也此則論圩田極詳張故備載之按水鄉多低田故其害澇甚于旱而其利亦泄亟于濬以宣下流固圩岸為要務湖與蘇無異也董氏備載此論旨哉試以所聞所見者論之嘉慶九年之水大矣道光三年尤大而二十九年又大于三年豈非河身日淺圩岸日低之明驗歟朱國禎湧幢小品隄之功莫利于下鄉之田余家湖邊看來洪荒時一派都是蘆葦之灘却天地氣機節宣有深有淺有斷有續中間條理原自井井明農者因勢利道大者隄小者塘

界以埂分爲陸久之皆成沃壤今吳江人往往用此法力耕以致富厚余目所經見二十里內有起白手致萬金者兩家此水利築隄所以當講也

鄭元慶石柱記箋釋環湖之水悉注于太湖微太湖民其魚乎

所謂導水以疾趨太湖者水之道也決之而已矣議者謂木

槪之類皆能壅水亦一說也至于決太湖之水以放于海其事固在蘇松

張鐸按三吳之水利在下流而吾湖之水利在溇港自宋

迄元代有治績永樂以後自監司以及郡縣俱設有水利官專治農事每圩編立塘長卽其有田者充之歲以農隙官率塘長循行阡陌間督其築修圩塍開治水道水旱之歲責其啟閉溝缺時其守護而檢報災數焉迨至中葉農政不修水

利官漸次裁去所謂塘長者徒以勾攝公事起滅詞訟而已遑問其爲水利哉近年沈樂存侍御上疏請開太湖下流并溇港章下所司勘覆不行因作東南水利編大指以爲湖水爲患要在疏橋口以出江濬江以達海而湖州所屬各溇港築隄置閘以捍風濤亦與疏濬相表裏要言不煩可當石畫也

張鴻寫南潯文獻志潯鎮西來之水由湖州府城定安門合迎春門沿東塘而至南來之水由烏鎮而下其源皆發天目按縣志南條之水發源天目之陽西條之水發源天目之陰南自定安門而入曰雪西自清源門而入曰茗合于江渚匯總名雪溪其巨流出臨湖門支流出迎春門雪溪之水出迎春

門按沈登瀛備志云郡中之水自西來者曰茗溪入清源門至於江渚匯自南來者曰前溪曰餘不溪曰北流水三水會于峴山漾入定安門至于江渚匯然後謂之雪溪今人誤以打柴灣為倒雪灣謂雪水自南來又誤以開水橋為雪水橋謂雪水自西來至于茗溪發源廣茗山在天目山之陰今人附會茗水自南來創為南茗之名殊不知山海經浮玉之山茗水出于其陰未嘗言出于其陽也其支流至塘北分注各澗港其巨流東

過潯溪入吳江之鶯脰湖東南入嘉興秀水桐鄉諸邑烏戍

志鎮水發源天目山之險潭歷茗雪二溪自涵山東流其在

西柵者一股由通湖橋而北達南潯總之潯鎮諸水其來也

西南皆以茗為源其去也東以鶯脰湖為委北以太湖為壑

按此畧本潯溪文獻文獻又云雪自在湖郡豈溪東南流平烏戍志蓋因茗而誤為雪也今攷涵山之水固與雪無涉且烏鎮來水至穿珠灣即折而東流實不至潯烏戍志誠誤也後人誤會文獻之意并謂雪水不至潯豈運河中亦無雪水乎大

胡承謀湖州府志湖之東塘往來要途河直而狹洪水驟漲數

至踰岸築之宜高然無波濤衝激故邊可石中可泥濶亦丈

許可也丁元薦湖塘遺議據烏程縣詳稱太湖為湖郡下流茗雪

諸水俱以湖為匯歸其上流出水之澗港不無壅塞一遇黃

霉陰雨山水旁溢自應少為疏濬若必開濬深廣恐遇旱則

太洩而車戽無從遇澇又恐湖水泛漲而疆理可危誠不若

略為疏通順自然以備蓄洩倘入海入江之下流毫無阻滯

則湖水不致泛漲而湖郡無水患矣范承勳覆開太湖疏按此論蓋不知澗港各

有插板以時啟閉乃轉以深通為慮又諉諸下流夫下流宜通而澗港則不可深廣此何理歟如其所言是澗港之設有

害而無利矣不亦慎乎

羅愷烏程縣志自東關外至平望官塘茗雪諸水皆歸于塘北

進澗瀆而至太湖其塘橋內支河現在通行而淤淺者十之五六向因兵燹盜賊築塞不通者十之三四即宜早為疏濬毋使附近豪猾分踞網斷東塘之水港不通即有澗瀆難洩

童國泰水利條議

董世寧烏青鎮志昔吳越天寶八年置都水營田使以主水事募卒為部號曰撩淺軍談水利于今茲撩淺誠為急務但恐奉行不力有名無實則徒費錢力耳蓋募夫供役取辦于富戶部夫督役責成于有司二者皆非所樂必致阻撓而後已張履祥云耕者各浚其田之際其不耕者田主給其食佃戶出其力惟閒曠之所乃用眾力在經濬經在支濬支有司警其頑惰自私梗令異議者分界刻期以鳩羣作不及一二月

在在皆通矣

見張楊園集

置水柵所以備寇盜也鎮四隅設柵

立法非不盡善然承平日久怠玩相循所稱建柵局閉者不審地勢之要害僅于市梢橫一短木雖有鎖鏈都不堅緻歲久聽其木朽腐而並不更易宵深而閉未旦而啟猝爾有警詎堪防禦況港汊既雜逐路可遁不必盡由柵也即扼要之處有橫木以拒之而乘更闌守望之疎亦不難毀而入耳昔者禾郡太僕李實君有言曰置柵當于離鎮半里許查有小水接連大水緊切去處兩邊密釘椿木四五層中作水門一通船出入鎖鏈務須堅鉅點附近殷實之人編定工食從厚給與于柵之左右地面構屋數椽令彼棲守仍于各柵口安置橫木以時啟閉此後即有綠林竊發能斬柵而入乎縱使

得入看守者力不能敵亦可從陸路抄至第二層內柵邊呼集居民助其聲援則以眾禦寡兼之入而難出勢即成擒所謂重門之險也柵成于冬月水涸時逐一看驗損壞者輒行修補則民無探炮之恐官免捕緝之勞太僕雖為嘉郡言之而變通宜民實有規異勢而同形者仿而行之未始非守土之良謨也 盜賊往來利于捷捷莫捷于撻船蓋撻船用槳而不用櫓一船僅用兩櫓用槳則一葉之艇槳愈多則愈速且手持一槳便于回旋即可當器械以拒追捕之人其害不可勝言予承乏茲土洞悉其弊條議陳于監司一切撻船概從禁止船廠不得製造其現在者改短船身用槳者易而用櫓則已成之舟不致宿于無用而草竊奸宄之徒亦不能借

乘流之便捷而恣行梟張爾

沈彤震澤縣志熙寧三年郊貢上言古人治低田之法或五里七里而為一縱浦又七里十里而為一橫塘因塘浦之土以為隄岸使塘浦闊深則水流通而不能為田之害隄岸高厚則田自固而水可必趨于江非專為闢其塘以決積水也 隆興六年李給獻治田三議曰敦本之法要在治田若但知決水而不知治田則所開浚之地不過積土於兩岸之側霖雨蕩滌復入蕩浦不五七年填塞如舊前功盡棄矣 宏治中史鑑議築隄當於春初編集民夫每圩先築樣墩一為式高廣各若干尺然後築隄如之其取土皆於附近之田又必督民以杵堅築務令牢固隄既訖工令民簞泥填灌取土之

田必使充滿復於隄之內外增廣其基名為抵水蓋隄既高峻無基以培之則歲久必頽矣

金友理太湖備攷周永年水利書論水于江北則利在漕論水于江南則利在田欲求水之利先審水之害害在淤塞則利在疏通害在泛溢則利在凜泓而泛溢之病又根於淤塞其要不出蓄洩二字故歲修之計無如深其浜濶高其岸塍如治田之法治水深者益深則流疾而不至上涌高者益高則防峻而不受潰入震澤縣志水之為物惟下之趨惟隙之乘諸濶大通則水從諸濶入湖諸濶半通則半從諸濶入湖半從菘塘爛溪等處四散東注從汾湖三泖白蚬江而歸於黃浦按今日之水勢如此太湖之水略小耳未必諸濶淤而湖杭諸郡

邑必遭沈溺然諸濶之淤不可不開也此不必責之官而責之民亦不在一時而在平時責之民則惟其所便田可溉而舟可行無餘事矣在平時則歲歲可修潦則置之旱則開之勤日則置之暇日則開之功無已時利無盡日矣自大錢以東諸濶港之上流皆從菘塘來菘塘之水初不直下濶港距濶港四五里或二三里又有橫河一道自西而東屈曲以貫濶港之端上承菘塘諸橋港北下之水分入諸濶港以下太湖震澤縣諸港上流皆自烏程縣界來其在菘塘之北由湯濶等涇來者入境為涇溪為南渡船港為豆腐港東瀆為虞家漾白田漾西漾又為蔡家蕩其由菘塘九里六里等橋來者入境為夜字港雨字港北瀆為唐蒙漾東為蔣家漾

斜尖漾其由南潯荻塘三里北渭二橋來者入境爲古澗港
緒爲稽五漾以上諸水散入薛埠諸港下太湖其東出一支
爲橫草路最深闊 凡湖州東境杭州北境之水之歸太湖
者無不經荻塘而北下蓋眾水之樞紐湖口之綱領也荻塘
以北之水爲漾爲蕩支派紛錯及歸於橫草路又合諸水而
爲一欲確指某水從某港下太湖條分而縷析之雖土著亦
不能辨

王鳳生浙西水利備攷湖州百川叢錯而要以茗雪二溪爲總
貫全憑北面澗港歸太湖以爲蓄洩又支分而東由南潯之
東塘烏鎮之爛溪而出平望鶯脰湖故九霞山長云吳興之
水不患其源之不通而患其流之不洩凡蘇松興利之處卽
吳興去害之由斯言可謂扼要矣 烏程之水由東塘抵南
潯出平望又自東塘支分而注于北塘由北塘屈曲而趨于
各澗港歸太湖南潯西柵東柵出水則瀉于北匯橋陸家漾
金魚漾自此盤旋而北或縱或橫分注各澗港以歸太湖
總核大勢烏程西南二方爲七邑下流之藪惟賴北有太湖
以爲蓄洩東由運河而注鶯脰湖東南由爛溪潯水分瀉于
秀水震澤故童國泰水利條議云譬諸人身湖郡咽喉也太
湖腸胃也入湖諸港壅阻旣多如咽喉抑塞不通則腸胃四
肢均受其害若水來西南南沙阻東北勢將泛濫橫行旁溢四
境爲害可勝言哉

范鏞潯溪紀事詩注明世宗實錄嘉靖十八年九月丁巳添設

浙江湖州府通判一員于烏鎮駐劄主緝捕盜賊兼管治農水利 鄭準開國集宋慶元間袁說友言浙中陂塘澗瀆悉為田疇水則無地可儲旱則無水可屏不嚴禁之無復稔歲然則淤水為田利少害多可見矣 茅氏曰熙寧七年興修兩浙水利議者謂苕霅二水出于天目之山而溢于太湖書曰三江既入震澤底定今二江並廢獨一松江入海故太湖之水壅而吳興被患遂欲廢北關長安二埭上塘之渠與下塘相通又于餘杭之南湖引苕溪之水達于漕渠穿錢塘之市而入于江以紓吳興之患時多以為然部使者檄餘杭主簿葛書舉行視書舉以為吳興之水歸于太湖太湖廣袤四萬八千餘頃旁占數郡其所灌輸非獨苕霅也書稱三江震

澤說者不同就如議者之言則尋常溝瀆之流豈可以比二江之任祇益紛擾耳且錢塘二埭其來久矣大役之興古人所重固執不可議者不能奪其事遂寢故龍圖閣直學士李公常時守吳興聞書舉之說貽書嘉歎部使者亦交薦之今吳之諺曰攤了長安壩沒了吳江港見上港之必不可通下渠也萬曆戊申餘杭南湖堰壞蘇湖俱成大浸撫軍移湖守陳幼學兼治之而定若非葛主簿則湖久為浸矣按此條可為妄言妄作之鑒昔宋郝直郝僑父子言三吳水利極詳而沈氏震澤縣志舉其說而條辨之以為後鑒亦此意也 萬言曰崇禎元年蔡懋德疏言三吳水利之不興已數十年吳淞江入海故道化為平陸矣白茅七浦鹽鐵等洩水大川僅存一綫矣止劉家河尚通而泥沙漸淤亦非故迹所以一遇淫

霖太湖西來數郡山水奔注蘇松下流無從宣洩數百萬頃
 良田悉成巨浸夫臣鄉雖居一區財賦半天下況今邊警需
 餉仰給東南尤為至急至切及今不治患日甚一日災祲易
 乘蠲賑難望小民皮毛俱盡猝有他虞即國賦將安所從出
 耶

張丹山潯錄三吳澤國外鄰江海內迫太湖故吾鄉之旱潦半
 視震澤之通塞以為淮南潯北距太湖二十里而近固宜究
 心水利已故湖州府通判衙門駐劄南潯亦稱鹽漕水利然
 則運河之淺深漕港之蓄洩是其專責嘗攷明周文襄忱守
 蘇時嘗講圍田築塘立閘旱潦啟閉之法而談鑰吳興志已
 早言之余少時聞故老傳說直北諸圩皆有夾塘今人皆怠

惰廢弛不復修整一遇旱潦倉皇屛救率皆不及此大病也
 愚意以為今夾塘之有根腳者於春間或水淺時先令鄉人
 放蘆傍種楊樹俟其長大繁茂漸灌以土年年幫補久久築
 實不數年而成隄矣按張氏為此說以築隄取土不易也每
 無堆積處若即用以築隄斯真兩得之計矣見旱年各鄉開濬河港所出之土多患
 之孤單者兩面增築水潦時固藉以堵塞而漸幫漸闊樹以
 桑枝其利亦溥按或疑隄多則容水之處少恐有礙于蓄洩
 無所容也再圩之四圍得此藩籬於其進出口施以水柵設以
 閘板旱潦藉以無虞村落因之保守最為吾鄉水利要務官
 斯士者每於冬末春初時出巡行相其高低察其勤惰量為
 獎誘亦未始非古人勸農遺意至于立閘之法大約高者大

者仿長興孝豐之制用石尤堅固耐久低者小者仿太湖澮港之例用木而其立閘之費則照田起派責之田主一切放蘆種樹填泥幫岸之事責諸佃戶立有成規垂諸永久洵乎官民並利惠澤無窮矣

徐有珂重濬三十六澮港議浙西杭嘉湖之地眾流交匯萬壑爭趨喧豖奔騰誠海隅澤國也然西南阻山東鞏海塘數百里間水無所洩洩之者區區吳淞一口而已而又甚遠中間所藉以瀦水者則惟太湖而杭嘉湖眾水之趨太湖也必吞吐於烏程之三十六澮若咽喉然澮西起小梅東盡胡澮皆在浙境口皆北向鱗排櫛比四十餘里地勢頗高向時深澗冬令積水不涸今則涸矣其南有橫河一道貫其端河面濶

十丈至二十餘丈不等杭嘉湖眾水之趨湖也必穿此而出澮口今亦淤矣竊案平地湖郡低於杭嘉而測其河底則湖郡之三十六澮高於杭之五陵頭塘棲等處及嘉之石門烏鎮等處並高於歸安之菱湖等處每遇冬令澮口已涸而彼處猶水深丈餘也然則欲令河底南高北下易於瀉水必重濬澮港加深尋丈矣同治戊辰己巳官濬深不及尺長不及澮港三之一如不重濬加深則當霖雨連朝山水奔騰壅決不得入湖如食遇噎反湧橫吐無所不至而圩田壞矣且杭嘉湖三郡之水而扼於三十六澮咽喉之地使之倒灌潰溢廬舍陸沈禾麥糜爛其害民也甚大既大害於民矣而猶復憚於興作或曰特紕於經費則何不取諸民曰恐擾民耳卽

不擾民而仍恐病民耳夫以開河籌費病民與坐視沈溺病民其病孰輕孰重耶用就所見私議若干條以備采擇一立水則杭嘉湖之水不達錢塘江悉於吳淞口入海而必由三十六澗下太湖以趨吳淞其他旁竇歧出仍在腹內且紆遠不通則他處之深徒爲養癰而澗口之淺終如扼吭矣試飭杭嘉湖境內同限某日某刻測定水則凡遇橋梁石柱平水處橫泐一畫由此下測得水若干尺卽可知南北河身之高下矣而三十六澗之淺處見矣大約此後須加深六尺乃與境內深處平也橋柱由下而上部尺一尺爲一則橫泐十畫遇水旱勘災亦有定準水至某則官民灼然共睹遠近卽可比例是水則之立本前人成法大有益於農政者一估

土方部尺縱橫一丈深尺爲一方河底不同假令平土開深六尺爲率增減照此乘除可也三十六澗自康熙四十七年雍正八年乾隆八年俱有工程今無可稽惟道光九年開濬在官雖無舊案可查而民間記載尙有刊本計各澗估土十六萬二百二十八方橫河王母來橋至下往橋估土九萬八千五百九十二方各澗又有丈尺段落以今淤淺度之有增無減卽以舊額覈算開深二十六萬方之土以爲受水之地又增二十六萬方之土於圩岸之上以禦水溢卽遇水澇何患其洩之不速何患其溢之不可禦不然如今已巳年之水何以濱湖田圩俱不沈沒而他處皆以倒灌壞也一權民力精壯農夫竭一日之力早作晚息可開一方有半次者亦

可開一方其上岸卸土自四丈起至十丈止以七丈爲率包工每方須給制錢一百六十文戽水在外器具歸民自備官可省事民亦樂從三十六漚河底土性尙鬆不致困悴築壩戽水亦以包工爲程但須教以用夾壩否則風挾水力無不潰者今已巳年官開每方止給制錢一百四十文戽水在內且實覈挑土不過三萬方而止耳其能通暢乘一乘天時十月納租事畢十一月築壩動工正月告竣至二月又有事於耕矣三十六漚蠶桑極盛之地二月桑枝放苗必不能興大役也今已巳年官開在三月適逢春雨連綿竭蹶從事而民亦奔走不暇矣一申官禁凡漁斷蘆墩大礙水道亟須剷除淨盡不得藉口納稅任其阻撓且蕩稅甚微除之可耳

三十六漚有居民處原無蘆葦其曲折支流自寇亂後已多淤塞叢生雜草小民貪利或幫爲地或放蘆墩故陳漢以東至胡漚各港難通舟卽橫河一道自勝堂橋至下往橋水涸亦無舟路當水盛時河身僅五之一餘皆蘆葦交錯矣漚口向有閘板沿北宋故制數百年來至道光九年閘板齊備由官啟閉額設閘夫屬大錢巡司專管夫役口糧係乾隆間民捐此項今無存矣已巳之開蘆葦依然閘亦不設故無益也一籌工費查江蘇開河近年如瀏河白茆俱係假帑攤徵此攤於田者也若湖郡則不宜攤於田而宜攤於絲其不宜攤於田何也田有正賦寇亂之後田未盡墾履畝未清正賦且不能供何有於攤徵則借帑必爲官累並爲民累此湖郡

情形與江蘇異故不宜也其宜攤於絲何也絲無定價且與外洋貿易而其價半由中國主之湖民之利蠶桑為最厚絲不得價不售他處不能奪也故近年籌餉善後諸款遞增皆取諸外洋者也此湖郡所獨擅故宜也湖絲極旺時出洋十萬包寇亂後僅三萬包桑少故也每包一千三百二十兩約售洋錢五百元今擬每包抽開河費兩元民間每家所出無幾售得百元者出四角輕而易舉而於大工可立辦每年六萬以三年為限則十八萬矣且隨時扣除一無延欠獲利本厚一無怨咨不經吏胥一無加耗況此項僱工其錢仍散於民間取諸民散諸民用其力而農田水旱有備不傷財而陰受其利大有屢慶何憚而不為哉或曰三十六澮事與湖

郡闔境何與則詰之曰咽喉梗塞與全身無關乎故抽絲捐必合湖屬城鎮抽之也 以上六條重在立水則與籌工費此在事前預謀者餘四條則臨時之事東南財賦之區蘇松嘉湖歲漕數百萬民間農田所入歲且數千萬今以水利未講之故至遇淫雨即成大澇正供既缺民又坐困蘇松之水又自杭嘉湖來而中間以太湖三十六澮為之梗澮之東即震澤縣境其七十二港形勢略同而不當茗雪之衝其勢稍緩且非浙境故不贅

施國祁志感攘熙曾記旦朝同晏市驚遲日過中覓渡晨

裝殊緩緩還家夜擔更匆匆

太湖澮工久圯濁泥塞港水涸時不能行舟淺處且不通汲諸澮航人泊舟澮口以待入市者每望晨負擔而出迂道至步下船遠或四五里是以為市日晏歸棹率在昏夜

又必轉搬什物燃炬尋見愁瀟塞津搬苦况忍齋荒水利

路至家農民甚苦之宋胡安定先生泄湖得似肯庵賢太守李公重尋二十

空學時曾設水利齋七常功案二十七濩名豐登稔熟康寧安樂瑞慶福禧和

見石柱記箋裕阜通惠澤吉利泰興富足固益濟皆冠以常字

引湖濩記

沈堯七古一章用愈愚韻贈家柳橋雨多川溢水相觸防

患誰先改突曲兩淮荆湖灾較重饑民形面皆鳩鵠錦江

杭稻足支移千里雲帆轉夔蜀吾鄉地下北濱湖南來茗

水源天日運道所資有荻塘衝處蓄石撻以竹近日棚民

墾山地泥鬆和雨下山腹填塞溝渠患非細人尤凶悍性

不淑湖州以西一帶山近皆棚民墾種尤多植包穀一孝

入土深使土不固土鬆遇雨則泥沙隨雨而下種包穀三

年則石骨盡露山頭無復有土矣山地無土則不能蓄水

泥隨而下溝渠皆滿水去泥留港底填高五月間梅雨大

至山頭則一瀉靡遺卑下之鄉汎濫成灾為患殊不細山

地價值不多棚民多温處流人初至時以重金陷土人賃

墾山地賃之錢倍於買值以三年為期土人不知其情往

往貪其利三年期滿棚民又賃墾別山而故所墾處皆石

田不毛矣流人之來益眾則棚益廣西接甯國北至江甯

南且由徽州縣延至江西福建凡山徑險惡之處土人不

能上下者皆棚民占居性凶悍強墾人土或掠人婦女畜

產土人不敢校下流况又太湖淤菱蘆彌望包山足洞庭

官吏不敢詰南湖面近皆成菱蕩舊時山離南岸二十餘里或三十里

今則自菱蕩盡處至南岸陞處纔四五里湖面淺狹水無

所容害將不可勝言舊時言水利者皆以濬關吳淞雖濬無

要今則當以關菱蕩為第一義蓋菱蕩不關吳淞雖濬無

阻斷行途嗟菀屋烏程縣合議修塘淫流奔放防溪谷斂

錢富民事豈易司役惟君見免俗君本儒者洽見聞冥心

水利搜曾獨勸君努力重下帷膏澤他年霑草木

汪志按水利之言繁不勝錄今即舊志并府縣志及鄰
 近諸志各摘數條不復引雖俱有關於吾鄉可一
 專屬一鎮故附河渠之法治水而已雖然昔人有言水利
 以蔽之曰以治田之法治水而已雖然昔人有言水利
 興而水害益烈是又後之
 論水利者所當深長思也
 慶雲按兵燹時吾潯屋宇燬去十之九河道為瓦礫淤
 塞既由義舉公所籌款開浚至光緒十三年因天旱工
 程易施北柵里人集資起清風橋訖柵橋及栲栳灣
 一帶悉行開浚十二年又集資由便民橋至南安橋一
 四年六月大旱南柵里人集資起清風橋訖柵橋及栲栳灣
 律開深廿九年正月自西柵起至東柵止市河一律開
 深既關水利
 附記於此

南潯志卷四終

